

四庫全書薈要

• 乾隆御覽本

史部

欽定四庫全書薈要

史部

資治通鑑卷

八十一

詳校官編修臣汪鏞



資治通鑑卷八十

宋 司馬光 撰

胡三省 音註

 晉紀二

起昭陽大荒落盡屠
維大淵獻凡七年

世祖武皇帝上之下

泰始九年春正月辛酉密陵元侯鄭袤卒

考異曰按
本傳袤爲司

空固辭久之見許以侯就第拜儀同
三司而帝紀云司空鄭袤薨誤也

二月癸巳樂睦

武公石苞卒 三月立皇子祗爲東海王 吳以陸抗

爲大司馬荊州牧 夏四月戊辰朔日有食之 初鄧

艾之死

事見七十八卷魏元帝咸熙元年

人皆寃之而朝廷無爲之辯

者

爲于偽翻

及帝即位議郎敦煌段灼上疏曰

敦煌徒門翻

鄧艾心

懷至忠而荷反逆之名

荷下可翻

平定巴蜀而受三族之誅

艾性剛急矜功伐善不能協同朋類故莫肯理之臣竊

以爲艾本屯田掌犢人

鄧艾本義陽棘陽人魏太祖破荊州徙汝南爲農民養犢寵

位已極功名已成七十老公復何所求

復扶又翻

正以劉禪

初降

降戶江翻

遠郡未附矯令承制權安社稷鍾會有悖逆

之心

悖蒲內翻
又蒲沒翻

畏艾威名因其疑似構成其事艾被詔

書即遣彊兵束身就縛不敢顧望

被皮義翻

誠知奉見先帝

必無當死之理也會受誅之後艾官屬將吏愚戇相聚

自共追艾破壞檻車解其囚執

戇直降翻
壞音怪

艾在困地狼

狽失據

狼前則跋其胡退則蹙其尾狼狽屬也生子或欠一足二足相附而後能行離則顛蹶故狽連

謂之狼狽
狽博蓋翻

未嘗與腹心之人有平素之謀獨受腹背之

誅

腹在前背在後謂
前後皆不免於誅

豈不哀哉陛下龍興闡弘大度謂

可聽艾歸葬舊墓還其田宅以平蜀之功繼封其後使

艾闔棺定謚死無所恨

謚神主翻

則天下徇名之士思立功

之臣必投湯火樂爲陛下死矣

樂音洛爲于僞翻

帝善其言而

未能從會帝問給事中樊建以諸葛亮之治蜀

樊建故蜀臣治

直之翻

曰吾獨不得如亮者而臣之乎建稽首曰陛下知

鄧艾之寃而不能直

稽音啓

雖得亮得無如馮唐之言乎

言不能用也馮唐事見十四卷漢文帝十四年

帝笑曰卿言起我意乃以艾孫

朗爲郎中

吳人多言祥瑞者吳主以問侍中韋昭昭

曰此家人筐篋中物耳

言祥瑞而謂之家人筐篋中物者蓋稱引圖緯以言祥瑞之應

故謂其書爲家
人筐篋中物也

昭領左國史

吳有左右國史皆掌記述

吳主欲爲其

父作紀

爲于偽翻

昭曰文皇不登極位當爲傳不當爲紀

吳主

謚其父和曰文皇帝傳直惡翻

吳主不悅漸見責怒昭憂懼自陳衰老

求去侍史二官

侍史侍中及左國史也

不聽時有疾病醫藥監護

持之益急

監工街翻

吳主飲羣臣酒

飲於禁翻

不問能否率以七

升爲限至昭獨以茶代之後更見偏強

強其兩翻

又酒後常

使侍臣嘲弄公卿發摘私短以爲歡

摘當作槌

時有愆失輒

見收縛至於誅戮昭以爲外相毀傷內長尤恨

長丁文翻今知

兩翻使羣臣不睦不為佳事故但難問經義而已

難乃吳

主以為不奉詔命意不忠盡積前後嫌忿遂收昭付獄

昭因獄上辭

辭獄辭也
上時掌翻

獻所著書冀以此求免而吳主

怪其書垢故

垢塵也
故舊也

更被詰責

被皮義翻
詰去吉翻

遂誅昭徙其

家於零陵

五月以何曾領司徒

六月乙未東海王

祗卒

秋七月丁酉朔日有食之

考異曰宋志無
此食今從晉書

詔選公卿以下女備六宮有蔽匿者以不敬論

以律不
敬論罪

也采擇未畢權禁天下嫁娶帝使楊后擇之后惟取潔

白長大而捨其美者帝愛卞氏女欲留之后曰卞氏三

世后族

魏武帝卞后謚曰宣后弟秉生蘭及琳蘭孫女爲高貴鄉公后琳女又爲陳留王后凡三世

不可屈以卑位帝怒乃自擇之中選者以絳紗繫臂

中什

仲公卿之女爲三夫人

孔穎達曰夫扶也言扶侍於王也

九嬪句二千

石將校女補良人以下

漢制後宮之號十有四等良人視八百石爵比庶長師古曰良

善也將即亮

翻校戶教翻九月吳主悉封其子弟爲十一王王給三

千兵大赦

十一王史逸其名

是歲鄭冲以壽光公罷吳主愛

姬遣人至市奪民物司市中郎將陳聲素有寵於吳主

繩之以法姬慙於吳主

慙與訴同

吳主怒假它事燒鋸斷聲

頭投其身於四望之下

據晉書溫嶠傳嶠討蘇峻於石頭結壘於四望磯又據內史石

頭有四望山蓋山下有磯也斷丁管翻

十年春正月乙未日有食之 閏月癸酉壽光成公鄭

冲卒 丁亥詔曰近世以來多由內寵以登后妃

謂魏三祖

立卞郭毛爲后

亂尊卑之序自今不得以妾媵爲正嫡

媵以證翻

分幽州置平州

幽州言北方太陰幽冥也杜佑曰因幽都山爲名山海經有幽都山今列北荒

統范陽燕北平上谷代遼西漢末公孫度自號平州牧今分昌黎遼東樂浪玄菟帶方五郡置平州

三

月癸亥日有食之 詔又取良家及小將吏女五千人

入宮選之母子號哭於宮中聲聞於外

將即亮翻號戶刀翻聞音問

夏四月己未臨淮康公荀顗卒

諡法溫柔好樂曰康顗魚豈翻

吳

左夫人王氏卒吳主哀念數月不出葬送甚盛時何氏

以太后故宗族驕橫

橫戶孟翻

吳主舅子何都貌類吳主民

間訛言吳主已死立者何都會稽又訛言章安侯奮

當爲天子奮母仲姬墓在豫章豫章太守張俊爲之掃

除

掃糞掃也除芟除荆棘會古外翻爲于偽翻

臨海太守奚熙

吳主休永安三年分會稽

東部都尉
爲臨海郡

與會稽太守郭誕書

會工
外翻

非議國政誕但白

熙書不白妖言

妖言即前說
言妖於驕翻

吳主怒收誕繫獄誕懼功

曹邵疇曰疇在明府何憂遂詣吏自列白

自列猶
自陳也

疇廁

身本郡位極朝右

郡功曹位居郡朝
之右朝直違翻

以噂噤之語

噂祖
本翻

噤達合翻
噤聚語也

本非事實疾其醜聲不忍聞見欲含垢藏

疾

左傳曰川澤納汙山
藪藏疾國君含垢

不彰之翰墨鎮躁歸靜使之自

息故誕屈其所是默以見從

謂誕從疇之說默
而不白妖言也

此之爲

愆實由於疇不敢逃死歸罪有司因自殺吳主乃免誕

死送付建安作船

宋白曰吳分侯官之地立建安縣又立曲郡都尉主調徙之人作舟船

遣其舅三郡督何植收奚熙

江表傳作備海督蓋督臨海建安會稽三郡也熙

發兵自守其部曲殺熙送首建業又車裂張俊皆夷三

族并誅章安侯奮及其五子

考異曰江表傳曰張布女有寵於皓而死皓厚葬

之國人見葬太奢麗皆謂皓已死所葬者是也皓舅子何都頗狀似皓故民間訛言都代立臨海太守奚熙信說言舉兵欲還秣陵誅都都叔父植時爲備海督擊殺熙夷三族說言乃息又云奮本在章安徙還吳城禁錮使男女不得通婚或年三十四十不得嫁娶奮上表乞自比禽獸使男女自相配偶皓大怒遣察戰齎藥賜奮父子皆飲藥死裴松之按建衡二年至奮之死孫皓即位尚未久若奮未被疑之前男男女女年二十左右至奮死

時不得年三十四也若先已長大自失時未婚娶不由皓之禁錮矣此雖欲增皓之惡然非實理又吳志孫皓傳鳳凰三年會稽妖言奮爲天子遂誅吳熙不言誅奮孫奮傳建衡二年左夫人王氏卒民間訛言遂誅奮及五子三十國晉春秋自皓納張布女至殺奮皆在天冊元年按奮若以建衡二年死不容至鳳凰三年會稽方有訛言不知奮死果在何年今因吳熙之死終言之

秋七月丙寅皇后楊氏

殂初帝以太子不慧恐不堪爲嗣常密以訪后

常當作嘗

后

曰立子以長不以賢

春秋公羊傳之言長知兩翻

豈可動也鎮軍大

將軍胡奮女爲貴嬪

晉制貴人夫人貴嬪是爲三夫人皆金章紫綬嬪毗宿翻

有寵

於帝后疾篤恐帝立貴嬪爲后致太子不安枕帝膝泣

曰枕職任翻叔父駿女芷有德色言有德有色也願陛下以備六宮

帝流涕許之 以前太常山濤爲吏部尚書濤典選十

餘年帝受禪濤自吏部郎遷尚書居母喪復奪情起典選選息絹翻每一官缺輒擇才

資可爲者啓擬數人才謂其才足以任資謂其資序當爲者得詔旨有所

向然後顯奏之帝之所用或非舉首衆情不察以濤輕

重任意言之於帝帝益親愛之濤甄拔人物各爲題目

而奏之時稱山公啓事甄稽延翻明也察也別也濤薦嵇紹於帝請

以爲秘書郎晉制秘書監屬官有丞有郎帝發詔徵之紹以父康得

罪

事見七十八卷魏元帝景元三年

屏居私門欲辭不就

屏必邱翻

濤謂之

曰爲君思之久矣天地四時猶有消息況於人乎

爲于偽翻

下樹爲人爲同又瑩爲同

紹乃應命帝以爲秘書丞初東關之敗

事見

七十五卷魏邵陵厲公嘉平四年

文帝問僚屬曰近日之事誰任其咎

任音

安東司馬王儀修之子也

王修見六十四卷漢獻帝建安八年

對曰

責在元帥

文帝時爲安東將軍監諸軍

文帝怒曰司馬欲委罪孤邪

引出斬之儀子哀痛父非命隱居教授三徵七辟皆不

就

徵詔召也辟公府及州郡辟也哀萍侯翻

未嘗西向而坐

哀居城陽晉朝在洛陽故未嘗

西廬於墓側旦夕攀柏悲號涕淚著樹號戶刀翻樹爲

之枯讀詩至哀哀父母生我劬勞詩蓼莪之辭未嘗不三復

流涕門人爲之廢蓼莪以哀悲慘故廢蓼莪之篇不敢講習三息暫翻復扶又翻蓼力

翻竹家貧計口而田度身而蠶度徒洛翻人或饋之不受助之

不聽諸生密爲刈麥哀輒棄之遂不仕而終

臣光曰昔舜誅鯀而禹事舜不敢廢至公也嵇康王

儀死皆不以其罪二子不仕晉室可也嵇紹苟無蕩

陰之忠蕩陰事見後八十五卷惠帝永興元年余謂蕩陰之難君子以嵇紹爲忠於所事可也然

未足以塞天性之傷也

湯殆不免於君子之譏乎

吳大司馬陸抗疾病

疾有加而無瘳曰病

上疏曰西陵建平國之

蕃表

蕃籬也表外也謂二郡爲蕃籬於外也

既處上流受敵二境

謂二郡之境西

距巴夔北接魏興上庸二面皆受敵也處昌呂翻

若敵汎舟順流星犇電邁非

可恃援他部以救倒縣也

縣讀曰懸

此乃社稷安危之機非

徒封疆侵陵小害也臣父遜昔在西垂上言西陵國之

西門雖云易守亦復易失

易弋豉翻

若有不守非但失一郡

荊州非吳有也如其有虞當傾國爭之臣前乞屯精兵

三萬而主者循常未肯差赴

主者謂居本兵之職者也差初皆翻

自步聞

以後

步聞反見上卷八年

益更損耗今臣所統千里外禦彊對

對彊

猶言彊敵也

內懷百蠻而上下見兵財有數萬

見賢通翻財與纔同

羸

敝日久難以待變

羸倫爲翻

臣愚以爲諸王幼冲無用兵馬

以防要務

謂十一王各給三千兵也

又黃門宦官開立占募兵民避

役逋逃入占

占章艷翻

乞特詔簡閱一切料出

料音聊

以補彊

場受敵常處使臣所部足滿八萬省息衆務并力備禦

庶幾無虞

幾居希翻

若其不然深可憂也臣死之後乞以西

方爲屬

陸抗固知吳之將亡特就職分上言之耳屬之欲翻下屬文同

及卒吳主使其

子晏景玄機雲分將其兵

將即亮翻

機雲皆善屬文名重於

世初周魴之子處膂力絕人不修細行鄉里患之

魴符方翻

行下孟翻

處嘗問父老曰今時和歲豐而人不樂何邪父老

歎曰三害不除何樂之有

樂音洛

處曰何謂也父老曰南

山白額虎長橋蛟

南山今湖秀以南諸山也長橋在今常州宜興縣

并子爲三

矣

子謂周處

處曰若所患止此吾能除之乃入山求虎射殺

之因投水搏殺蛟遂從機雲受學篤志讀書砥節礪行

比及暮年州府交辟

射而亦翻行下
五翻比必寐翻

八月戊申葬元

皇后于峻陽陵帝及羣臣除喪即吉博士陳遼議以爲

今時所行漢帝權制太子無有國事自宜終服尚書杜

預以爲古者天子諸侯三年之喪始同齊斬

謂齊衰斬
衰之服其

始自天子達於庶人
無以異也齊津夷翻

既葬除服諒闇以居心喪終制故

周公不言高宗服喪三年而云諒闇此服心喪之文也

周公作無逸曰其在高宗作其即位乃或亮陰三年杜
預遂引此言以爲不服喪之證闇與陰同孔安國曰諒

信也陰
默也

叔向不譏景王除喪而譏其宴樂已早明既葬

應除而違諒闇之節也

左傳晉荀躒如周葬穆后既葬除喪以文伯宴叔向曰王其不

終乎吾聞之所樂必卒焉今王樂憂若卒以憂不可謂終王一歲而有三年之喪二焉於是乎以喪賓宴樂憂

甚矣三年之喪雖貴遂服禮也王雖弗遂宴樂以早亦非禮也樂音洛

子之於禮存諸內

而已禮非玉帛之謂

論語孔子曰禮云禮云玉帛云乎哉

喪豈衰麻之謂

乎

哀七回翻下同

太子出則撫軍守則監國

左傳晉大夫里克之言監古銜翻

不爲無事宜卒哭除衰麻

卒子恤翻

而以諒闇終三年帝從

之

臣光曰規矩主於方圓然庸工無規矩則方圓不可

得而制也衰麻主於哀戚然庸人無衰麻則哀戚不

可得而勉也素冠之詩正爲是矣

衰倉回翻詩素冠刺不能三年也爲

于偽翻

杜預巧飾經傳以附人情辯則辯矣

傳直惡翻

臣謂

不若陳遠之言質略而敦實也

九月癸亥以大將軍陳騫爲太尉

杜預以孟津渡險

請建河橋於富平津

水經注孟津又曰富平津杜佑曰富平津在河陽縣南

議者

以爲殷周所都歷聖賢而不作者必不可立故也

殷都河內

周都洛二代夾河建都

不立河橋故以爲言 預固請爲之及橋成帝從百寮

臨會舉觴屬預曰

屬之欲翻

非君此橋不立對曰非陛下之

明臣亦無所施其巧

是歲邵陵厲公曹芳卒初芳之

廢遷金墉也

芳之廢也築宮于河內重門今言遷金墉蓋始廢之時自禁中遷于金墉後乃居于

河內也

太宰中郎陳留范滂素服拜送

晉既受禪避景帝諱採周官名置太

宰以代太師魏因漢制上公惟有太傅據滂傳自太宰從事中郎遷太宰中郎時未置太宰宰當作傳

哀

動左右遂稱疾不出陽狂不言

陽發見於外陰蔽伏於中凡人之作事外爲是

形而內無其實者皆陽爲之外若無所營而內潛經畫皆陰爲之

寢所乘車足不履地

子孫有婚宦大事輒密諮焉合者則色無變不合則眠

寢不安妻子以此知其旨子喬等三人並棄學業絕人

事

按晉書喬年二歲祖馨臨終撫其首曰恨不見汝成人因以所用硯與之至五歲祖母以告喬喬便執硯

涕泣九歲請學在同輩之中言無媒辭李銓常論揚雄才學優於劉向喬以爲向定一代之書正羣籍之篇使雄當之故非所長遂著劉揚優劣論前後辟舉皆不就邑人臘日盜斫其樹人有告者喬陽不聞邑人愧而歸之喬曰卿節日取柴欲與父母相歡娛耳何以愧爲嗚呼觀喬之學行如此則棄學業絕人事殆庶幾乎夷齊餓于首陽之下之意侍疾家庭足不出邑里及帝即位詔以二千

石祿養病加賜帛百匹喬以父疾篤辭不敢受絜不言

凡三十六年年八十四終於所寢之車

自邵陵厲公之廢至是方二十

一年史因公卒而究言之

吳比三年大疫

比此至翻

咸寧元年春正月戊午朔大赦改元 吳掘地得銀尺

上有刻文

吳志曰銀長一尺廣三分刻上有年月字

吳主大赦改元天冊

吳中書令賀邵中風不能言

仲中竹翻

去職數月吳主疑其

詐收付酒藏掠考千數

藏徂浪翻掠音亮

卒無一言乃燒鋸斷

其頭

卒子恤翻斷丁管翻

徙其家屬於臨海又誅樓玄子孫

殺樓玄見

上卷泰始八年

夏六月鮮卑拓拔力微復遣其子沙漠汗入

貢

沙漠汗初入貢見七十八卷魏元帝景元二年汗音寒

將還幽州刺史衛瓘表

請留之又密以金賂其諸部大人離間之

爲力微信譖殺沙漠汗張

本間古
莧翻

秋七月甲申晦日有食之 冬十二月丁亥

追尊宣帝廟曰高祖景帝曰世宗文帝曰太祖 大疫
洛陽死者以萬數

二年春令狐豐卒弟宏繼立楊欣討斬之

豐自爲敦煌太守見上卷

泰始
八年

帝得疾甚劇及愈羣臣上壽詔曰每念疫氣死

亡者爲之愴然豈以一身之休息忘百姓之艱難邪諸

上禮者皆絕之

爲于偽翻
上時掌翻

初齊王攸有寵於文帝每見

攸輒撫牀呼其小字曰此桃符座也幾爲太子者數矣

事見七十八卷魏元帝咸熙元年幾居依翻數所角翻

臨終爲帝敘漢淮南王魏

陳思王事而泣

漢文帝誅淮南厲王長魏文帝不能容陳思王植引此二事以戒切帝也執

攸手以授帝太后臨終亦流涕謂帝曰桃符性急而汝

爲兄不慈我若不起必恐汝不能相容以是屬汝勿忘

我言及帝疾甚朝野皆屬意於攸

屬之欲翻朝直違翻

攸妃賈充

之長女也

充先娶李氏豐女也生二女長曰荃爲齊王攸妃長知兩翻

河南尹夏侯

和謂充曰卿二婿親疎等耳

二婿謂攸及太子也

立人當立德充

不答攸素惡荀勗及左衛將軍馮統傾諂勗乃使統說

帝曰

惡鳥路翻統都威翻說翰芮翻

陛下前日疾若不愈齊王爲公卿

百姓所歸太子雖欲高讓其得免乎宜遣還藩以安社

稷帝陰納之乃徙和爲光祿勳奪充兵權

充自文帝時領兵

而

位遇無替 吳施但之亂

事見上卷泰始二年

或譖京下督孫楷

於吳主曰楷不時赴討懷兩端吳主數詰讓之徵爲宮

下鎮驃騎將軍

京下督鎮京口宮下鎮在建業楷孫韶之子數所角翻驃匹妙翻騎奇寄翻

楷自疑懼夏六月將妻子來拜拜車騎將軍封丹陽侯

秋七月吳人或言於吳主曰臨平湖自漢末歲塞

臨平湖今

在臨安府仁和縣界有臨平鎮在臨安府城西北四十八里歲荒蕪也音烏廢翻塞悉則翻下同

長老

言此湖塞天下亂此湖開天下平近無故忽更開通此

天下當太平青蓋入洛之祥也

青蓋之占見上卷泰始八年

吳主以

問奉禁都尉歷陽陳訓

吳置奉禁都尉蓋以侍奉宮禁爲稱

對曰臣止能

望氣不能達湖之開塞退而告其友曰青蓋入洛者將

有衝壁之事非吉祥也或獻小石刻皇帝字云得於湖

邊吳主大赦改元天璽

璽斯氏翻

湘東太守張詠不出筭緡

吳主亮太平二年分長沙東部都尉立湘東郡吳主就在所斬之狗首諸郡會

稽太守車浚公清有政績會工外翻車姓出於田千秋車昌遮翻值郡旱

飢表求振貸吳主以爲收私恩遣使梟首梟堅翻尚書熊

睦微有所諫黃帝有熊氏姓譜楚鬻熊之後此以名爲氏者也吳主以刀環撞

殺之身無完肌史詳言吳主之昏虐撞直江翻八月己亥以何曾爲

太傅陳騫爲大司馬賈充爲太尉齊王攸爲司空吳

歷陽山有七穿駢羅穿中黃赤俗謂之石印云石印封

發天下當太平歷陽長上言石印發據吳志鄱陽上言歷陽山石文理成

字又江表傳曰歷陽縣有石山臨水高百丈其三十丈
所有七穿駢羅今考晉志鄱陽郡無歷陽縣有歷陵縣
陽當作陵今饒州圖經亦載鄱陽主遣使者以太牢祠
陽歷陵縣有石印山長知兩翻

之

使疏吏翻

使者作高梯登其上以朱書石曰楚九州渚吳

九州都揚州士作天子四世治太平始還以聞吳主大

喜封其山神爲王大赦改明年元曰天紀 冬十月以

汝陰王駿爲征西大將軍羊祜爲征南大將軍皆開府

辟召儀同三司

此位從公也

祜上疏請伐吳

陸抗沒羊祜始抗疏請伐吳上

時掌翻

曰先帝西平巴蜀

見七十八卷魏元帝景元四年

南和吳會

見七十八

卷魏元帝
咸熙元年

庶幾海內得以休息而吳復背信

事見上卷
泰始元年

幾居希翻
背蒲妹翻

使邊事更興夫期運雖天所授而功業必因

人而成不一大舉掃滅則兵役無時得息也蜀平之時

天下皆謂吳當并亡自是以來十有三年矣

景元四年
蜀亡至是

十三年夫謀之雖多決之欲獨凡以險阻得全者謂其執

均力敵耳若輕重不齊強弱異執雖有險阻不可保也

蜀之爲國非不險也皆云一夫荷戟千人莫當

荷下
可翻及

進兵之日曾無藩籬之限乘勝席卷徑至成都漢中諸

城皆鳥栖而不敢出

謂漢樂諸城也

非無戰心誠力不足以相

抗也及劉禪請降諸營堡索然俱散

索皆各翻

今江淮之險

不如劔閣孫皓之暴過於劉禪吳人之困甚於巴蜀而

大晉兵力盛於往時不於此際平壹四海而更阻兵相

守使天下困於征戍經歷盛衰不可長久也

謂兵將以盛壯之年

出戍經歷營陳至於衰老也

今若引梁益之兵水陸俱下

王濬唐彬統梁益兵

荆楚之衆進臨江陵

荆楚祐所統也

平南豫州直指夏口

胡奮爲平

南將軍王戎爲豫州刺史夏戶推翻

徐揚青兗並會秣陵

徐揚王渾所統青兗琅邪王由

所以以一隅之吳當天下之衆執分形散所備皆急巴漢

奇兵出其空虛一處傾壞則上下震蕩雖有智者不能

爲吳謀矣

其後平吳皆如祐所規

吳緣江爲國東西數千里所敵

者大無有寧息孫皓恣情任意與下多忌將疑於朝

將即

亮翻朝直遙翻

士困於野無有保世之計一定之心平常之日

猶懷去就兵臨之際必有應者終不能齊力致死已可

知也其俗急速不能持久弓弩戟楯不如中國唯有水

戰是其所便一入其境則長江非復所保還趣城池

趣七

喻去長入短非吾敵也官軍縣進縣讀曰懸人有致死之志

吳人內顧各有離散之心如此軍不踰時克可必矣帝

深納之而朝議方以秦涼爲憂謂樹機能未平也朝直達翻祜復表

曰復扶又翻吳平則胡自定但當速濟大功耳議者多有不

同賈充荀勗馮統尤以伐吳爲不可祜歎曰天下不如

意事十常居七八天與不取豈非更事者恨於後時哉

言吳可取而不取機會一失經見其事者豈不有後時之恨更工衡翻唯度支尚書杜預

魏制度支尚書度徒洛翻中書令張華與帝意合贊成其計丁卯

立皇后楊氏大赦后元皇后之從妹也

從才

美而有婦

德帝初聘后后叔父玠

玠余招翻

上表曰自古一門二后未

有能全其宗者乞藏此表於宗廟異日如臣之言得以

免禍帝許之

玠雖有此表終不能以免禍

十二月以后父鎮軍將軍

駿爲車騎將軍封臨晉侯

國號晉而封后父爲臨晉侯不祥之徵也

尚書褚

碧郭奕皆表駿小器不可任社稷之重

碧難灼翻仕音壬

帝不

從駿驕傲自得胡奮謂駿曰卿恃女更益豪邪歷觀前

世與天家婚未有不滅門者但早晚事耳駿曰卿女不

在天家乎

天子尊無二上故曰天家言其尊如天也

奮曰我女與卿女作婢

耳何能爲損益乎

三年春正月丙子朔日有食之立皇子裕爲始平王

庚寅裕卒三月平虜護軍文鶩督涼秦雍州諸軍討

樹機能破之諸胡二十萬口來降

雍於用翻降戶江翻

夏五月

吳將邵顗

顗魚豈翻紀作邵凱

今從羊祐傳

夏祥帥衆七千餘人

來降

夏戶雅翻帥讀曰率降戶江翻

秋七月中山王睦坐招誘遁亡

貶爲丹水縣侯

誘音酉

有星孛于紫宮

孛蒲內翻

衛將軍

楊珣等建議以爲古者封建諸侯所以藩衛王室今諸

王公皆在京師非干城之義又異姓諸將居邊宜參以

親戚

考異曰職官志以爲珣與荀勗以齊王攸有時望懼太子有後難故建此議使諸王之國帝初未

之察於是下詔議其制按勗傳有異議又時齊王不之國疑此說非實今不取帝乃詔諸王各

以戶邑多少爲三等大國置三軍五千人次國二軍三

千人小國一軍一千一百人

時以平原汝南琅邪扶風齊爲大國梁趙樂安燕安

平義陽爲次國餘國爲小國

諸王爲都督者各徙其國使相近八月

癸亥徙扶風王亮爲汝南王出爲鎮南大將軍都督豫

州諸軍事琅邪王倫爲趙王督鄴城守事勃海王輔爲
太原王監并州諸軍事以東莞王佖在徐州徙封琅邪
王

莞音官
佖音曹

汝陰王駿在關中徙封扶風王又徙太原王

顥爲河間王汝南王東爲南陽王輔字之子顥字之孫

也

顥魚
容翻

其無官者皆遣就國諸王公戀京師皆涕泣而

去又封皇子瑋爲始平王允爲濮陽王該爲新都王遐
爲清河王其異姓之臣有大功者皆封郡公郡侯封賈
充爲魯郡公追封王沈爲博陵郡公

沈持
林翻

徙封鉅平侯

羊祜爲南城郡侯

時詔以泰山之南武陽牟南城梁父平陽五縣爲南城郡羊祜本泰山南

城人也帝制公侯邑萬戶以上爲大國五千戶以上爲次國不滿五千戶爲小國

祜固辭不受

祜每拜官爵常多避讓至心素著故特見申於分列之

外

見申謂許之辭爵其志獲申也分列謂分封列爵也

祜歷事二世

謂事文帝及帝也職

典樞要凡謀議損益皆焚其草世莫得聞所進達之人

皆不知所由

謂人由祜薦引而進達不知其所由來也

常曰拜官公朝謝恩

私門吾所不敢也

朝直達翻

兗豫徐青荆益梁七州大水

冬十二月吳夏口督孫慎入江夏汝南

江夏郡屬荊州汝南郡屬

豫州相去甚遠沈約宋志江夏太守治汝南縣本沙羨地晉末汝南郡民流寓夏口因立爲汝南則此時江夏

郡未有汝南縣也無亦史追書乎夏戶雅翻略千餘家而去詔遣侍臣詰羊

祜不追討之意詰去吉翻并欲移荊州祜曰江夏去襄陽八

百里比知賊問比必寐翻賊已去經日步軍安能追之勞師

以免責非臣志也昔魏武帝置都督類皆與州相近如楊

州刺史治壽春都督楊州諸軍事亦治壽春之類近其新翻以兵執好合惡離故也

好呼到翻疆場之間一彼一此慎守而已左傳魯桓公曰疆場之間

慎守其一而備其不虞若輒徙州賊出無常亦未知州之所宜據

也 是歲大司馬陳騫自揚州入朝

朝直遙翻

以高平公罷

吳主以會稽張儼多所諧白

會工外翻儼昌六翻

甚見寵任累

遷司直中郎將封侯其父爲山陰縣倅

山陰縣屬會稽郡

知儼

不良上表曰若用儼爲司直有罪乞不從坐吳主許之

儼表置彈曲二十人專糾司不瀆

彈徒干翻

於是吏民各以

愛憎互相告訐獄犴盈溢

訐居謁翻犴音岸犴野犬也野犬所以守故爲獄又胡地

謂犬爲犴

上下囂然儼大爲姦利驕奢暴橫

橫戶孟翻

事發父子

皆車裂 衛瓘遣拓拔沙漠汗歸國

前年瓘表留沙漠汗諷間既行乃遣

歸自沙漠汗入質

入質見七十七卷魏元帝景元二年質音致

力微可汗諸

子在側者多有寵及沙漠汗歸諸部大人共譖而殺之

既而力微疾篤烏桓主庫賢親近用事受衛瓘賂欲擾

動諸部乃礪斧於庭謂諸大人曰可汗恨汝曹讒殺太

子

此時鮮卑君長已有可汗之稱可今讀從刊入聲汗音寒

欲盡收汝曹長子殺之

長知諸大人懼皆散走力微以憂卒時年一百四子悉

祿立

悉祿魏收魏書作悉鹿

其國遂衰初幽并二州皆與鮮卑接

東有務桓西有力微多爲邊患衛瓘密以計間之

間古覓翻

務桓降而力微死

考異曰魏收後魏書鐵弗劉虎匈奴去卑之孫昭成四年死子務桓立

按昭成四年晉成帝咸康七年也務桓不應與璿同時蓋二人皆名務桓耳

朝廷嘉璿功封

其弟爲亭侯

四年春正月庚午朔日有食之

司馬督東平馬隆

晉制

二衛前驅由基彊弩爲三部司馬各置督沈約曰殿中司馬督晉武帝時殿中宿衛號曰三部司馬與殿中將軍分隸左右二衛上言涼州刺史楊欣失羗戎之和必敗

隆言欣必

敗猶漢皇甫規之言馬賢蓋懷才欲用故以此自顯耳

夏六月欣與樹機能之

黨若羅拔能等戰于武威敗死

弘訓皇后羊氏殂

景皇

后居弘訓宮

羊祜以病求入朝

朝直達翻

既至帝命乘輦入殿

不拜而坐祜面陳伐吳之計帝善之以祜病不宜數入

數所角翻

更遣張華就問籌策祜曰孫皓暴虐已甚於今可

不戰而克若皓不幸而沒吳人更立令主雖有百萬之

衆長江未可窺也將爲後患矣華深然之祜曰成吾志

者子也帝欲使祜卧護諸將祜曰取吳不必臣行但既

平之後當勞聖慮耳功名之際臣不敢居若事了當有

所付授願審擇其人也

以東南壤界闊遠當得人以鎮撫之

秋七月己

丑葬景獻皇后于峻平陵

即弘訓后也

司冀充豫荆揚州

大水

司州即漢司隸校尉所部也漢司隸部察郡縣與州刺史同晉遂定名司州統河南滎陽弘農上洛

平陽河東汲郡河內廣平陽平魏郡頓丘冀州者亂則冀安弱則冀強荒則冀豐統趙國鉅鹿安平平原樂陵

勃海河間高陽博陵清河中山常山等郡國

螟傷稼

螟食苗心之蟲

詔問王者何以

佐百姓

主者謂左民及度支二曹也

度支尚書杜預上疏

度徒洛翻上時掌翻

以爲今者水災東南尤劇宜敕兗豫等諸州留漢氏舊

陂繕以蓄水餘皆決瀝令飢者盡得魚菜螺蚌之饒

螺盧

戈翻蚌步項翻

此目下日給之益也水去之後滇淤之田

淤依據翻

畝收數鍾此又明年之益也典牧種牛有四萬五千餘

頭

晉志典牧令屬太僕種章勇翻

不供耕駕至有老不穿鼻者可分以

給民使及春耕種穀登之後責其租稅此又數年以後

之益也帝從之民賴其利

考異曰食貨志云咸寧三年杜預傳云四年按五行志

三年大水無蟲災四年螟今從預傳

預在尚書七年

泰始六年預自秦州刺史得罪歸拜度支

尚書至是七年矣

損益庶政不可勝數

勝音升

時人謂之杜武庫

言其無所不有也 九月以何曾爲太宰辛巳以侍中

尚書令李允爲司徒 吳主忌勝已者侍中中書令張

尚絃之孫也

張絃事孫策孫權見漢獻帝紀

爲人辯捷談論每出其表

吳主積以致恨後問孤飲酒可以方誰

方比也

尚曰陛下

有百觚之量吳主曰尚知孔丘不王而以孤方之

孔叢子曰

趙平原君與孔子高飲強子高酒曰諺云堯飲千鍾孔子百觚子路嗑嗑尚飲十榼古之聖賢無不能飲子何辭焉觚飲器也受

二升王干况翻

因發怒收尚公卿已下百餘人詣宮

叩頭請尚罪得減死送建安作船尋就殺之

考異曰三十國春

秋云岑昏等泥頭請代尚死尚得免死徙廣州今從尚傳參取環氏吳紀余觀尚之爲人蓋以辯給得親近於孫皓而亦以辯給取怒請其死者必岑

昏之徒三十國春秋所書蓋得其實

冬十月徵征

北大將軍衛瓘爲尚書令是時朝野咸知太子昏愚不

堪爲嗣瓘每欲陳啓而未敢發會侍宴陵雲臺

陵雲臺
魏文帝

所築瓘陽醉跪帝牀前曰臣欲有所啓帝曰公所言何邪

瓘欲言而止者三因以手撫牀曰此座可惜帝意悟固

謬曰公真大醉邪瓘於此不復有言帝悉召東宮官屬

爲設宴會

復扶又翻爲于
偽翻下便爲同

而密封尚書疑事令太子決

之賈妃大懼倩外人代對

倩七正翻假
手於人也

多引古義給使

張泓曰太子不學陛下所知而答詔多引古義必責作

草主

言將責問作對
草之主名也

更益譴負不如直以意對妃大喜

謂泓曰便爲我好答富貴與汝共之

給使給東宮使令
張泓蓋庸中之伎

伎者後爲趙王倫拒齊王
罔於陽翟者必是人也

泓即具草令太子自寫帝省

之甚悅

省悉
景翻

先以示瓘瓘大踧踖

踧子六翻踖子昔
翻踧踖不自安貌

衆

人乃知瓘嘗有言也賈充密遣人語妃云衛瓘老奴幾

破汝家

爲賈妃怨衛瓘張本語牛倨翻
國春秋在泰始八年按瓘傳泰始初爲青州刺

史徙幽州八年不得在京師瓘傳在連司空後按帝紀
太康三年賈充卒十二月瓘爲司空故移在入爲尚書

史徙幽州八年不得在京師瓘傳在連司空後按帝紀

太康三年賈充卒十二月瓘爲司空故移在入爲尚書

令
吳人大佃皖城

佃亭年翻治田
也皖戶板翻

欲謀入寇都督揚

州諸軍事王渾遣揚州刺史應綽攻破之斬首五千級

焚其積穀百八十餘萬斛踐稻田四千餘頃毀船六百

餘艘

艘蘇刀翻

十一月辛巳太醫司馬程據獻雉頭裘

晉志

太醫屬宗正雉頭毛采炫燿集以爲裘

帝焚之於殿前甲申敕内外敢有

獻奇技異服者罪之

記王制作謠聲異服奇技奇器以疑衆殺技渠綺翻

羊祜

疾篤舉杜預自代辛卯以預爲鎮南大將軍都督荊州

諸軍事祜卒

卒子恤翻下同

帝哭之甚哀是日大寒涕淚霑須

鬢皆爲冰祜遺令不得以南城侯印入樞

樞音舊

帝曰祜

固讓歷年身沒讓存

謂身沒而遺令讓侯印也

今聽復本封以彰高

美

祐本封鉅平侯

南州民間祐卒爲之罷市巷哭聲相接

南州謂荊

州也爲于

吳守邊將士亦爲之泣祐好遊峴山

好呼到

與襄陽人建碑立廟於其地歲時祭祀望其碑者無不

流涕因謂之墮淚碑杜預至鎮簡精銳襲吳西陵督張

政大破之政吳之名將也恥以無備取敗不以實告吳

主預欲間之

間古莧翻

乃表還其所獲吳主果召政還遣武

昌監留憲代之

吳之邊鎮有督有監督者督諸軍事之職監者監諸軍事之職

十二

月丁未朗陵公何曾卒曾厚自奉養過於人主司隸校

尉東萊劉毅數劾奏曾侈汰無度

數所角翻

帝以其重臣不

問及卒博士新興秦秀議曰

秀新興雲中人朗之子也

曾驕奢過度

名被九域

九域九州之域被皮義翻

宰相大臣人之表儀若生極其

情死又無貶王公貴人復何畏哉謹按謚灋

謚法始於周公以行

爲謚後扶又翻

名與實爽曰繆怙亂肆行曰醜宜謚醜繆公帝

策謚曰孝

策謚者不用博士議以詔策賜謚

前司隸校尉傅玄卒

考異曰

玄傳曰五年遷太僕轉司隸景獻皇后崩坐爭位
罵尚書免尋卒按景獻后崩在四年玄傳誤也

玄性

峻急每有奏劾或值日暮捧白簡整簪帶

文選任昉彈曹景宗曰謹

奉白簡以聞呂向注云簡略狀也晉志曰古者執笏有事則書之故常簪筆今之白筆是其遺意三臺五省二

品文官簪之帶筆帶也古之

簪帶勅戶鑿翻又戶得翻疎踊不寐坐而待旦由是

貴游震懾

周官師氏凡國之貴游子弟學焉注云貴游子弟王公之子弟游無官司者懾之涉翻

臺閣生風玄與尚書左丞博陵崔洪善

漢安帝分安平置博陵國洪

亦清厲骨鯁好面折人過

好呼到翻折之舌翻

而退無後言人以

是重之鮮卑樹機能久爲邊患

泰始六年樹機能爲寇至是九年矣僕

射李熹請發兵討之朝議皆以爲出兵重事虜不足憂

朝直遙
翻下同

五年春正月樹機能攻陷涼州

涼州治武威

帝甚悔之臨朝

而歎曰誰能爲我討此虜者

爲于偽翻

司馬督馬隆進曰陛

下能任臣臣能平之帝曰必能平賊何爲不任顧方略

何如耳隆曰臣願募勇士三千人無問所從來

應募者或出於

農畝或出於營伍或出於遁逃或出於奴隸皆不問其所從來也

帥之以西虜不足平

也

帥讀曰率

帝許之乙丑以隆爲討虜護軍武威太守公卿

皆曰見兵已多不宜橫設賞募

見賢遍翻橫戶孟翻

隆小將妄言

將即亮翻

不足信也帝不聽隆募能引弓四鈞挽弩九石者

取之

三十斤爲鈞四鈞爲石石百二十斤

立標簡試

標表也

自旦至日中得

三千五百人隆曰足矣又請自至武庫選仗武庫令與

隆忿爭

晉志武庫令屬衛尉

御史中丞劾奏隆

自東漢至魏晉以中丞爲御史臺主

勅戶槩翻又戶得翻

隆曰臣當畢命戰場武庫令乃給以魏時朽

仗非陛下所以使臣之意也帝命惟隆所取仍給三年

軍資而遣之初南單于呼厨泉以兄於扶羅子豹爲

左賢王及魏武帝分匈奴爲五部

五部見上卷泰始六年

以豹爲

左部帥

帥所類

豹子淵幼而雋異師事上黨崔游博習經

史嘗謂同門生上黨朱紀雁門范隆曰吾常恥隨陸無

武絳灌無文隨陸遇高帝而不能建封侯之業絳灌遇

文帝而不能興庠序之教豈不惜哉

隨陸隨何陸賈絳灌絳侯周勃灌將

軍於是兼學武事及長

長知兩翻

援臂善射膂力過人姿貌

魁偉爲任子在洛陽王渾及子濟皆重之屢薦於帝帝

召與語悅之濟曰淵有文武長才陛下任以東南之事

吳不足平也孔恂楊琰曰非我族類其心必異

左傳魯季文子

曰史佚之志有之非我族類其心必異

琬余招翻

淵才器誠少比然不可重任

也

少詩
招翻

及涼州覆沒帝問將於李憲對曰陛下誠能發

匈奴五部之衆假劉淵一將軍之號使將之而西樹機

能之首可指日而梟也

使將即亮翻
梟堅亮翻

孔恂曰淵果梟樹

機能則涼州之患方更深耳帝乃止東萊王彌家世二

千石

世語曰彌魏玄菟
太守王頎之孫

彌有學術勇略善騎射青州人

謂之飛豹處士陳留董養見而謂之曰君好亂樂禍若

天下有事不作士大夫矣

言將爲賊也處昌呂
翻好呼到翻樂音洛

淵與彌

友善謂彌曰王李以鄉曲見知

王渾太原人李熹上黨人與渾同州里

每

相稱薦適足爲吾患耳因歔歔流涕

歔音虛歔音希又吁既翻

齊王

攸聞之言於帝曰陛下不除劉淵臣恐并州不得久安

王渾曰大晉方以信懷殊俗奈何以無形之疑殺人侍

子乎何德度之不弘也帝曰渾言是也會豹卒以淵代

爲左部帥

劉淵事始此史言晉將有亂帥所類翻

夏四月大赦

除部

曲督以下質任

帝受禪之初除部曲將質任今又除部曲督質任質音致

吳桂林

太守修允卒

桂林漢縣屬鬱林郡吳主皓鳳凰三年分立桂林郡

其部曲應分給

諸將督將郭馬何典王族等累世舊軍不樂離別會

吳主料實廣州戶口

將即亮翻樂音洛料音聊

馬等因民心不安

聚衆攻殺廣州督虞授馬自號都督交廣二州諸軍事

使典攻蒼梧族攻始興

吳主皓甘露元年分桂陽南部都尉立始興郡

秋八月

吳以軍師張悌爲丞相牛渚都督何植爲司徒執金吾

滕修爲司空未拜更以修爲廣州牧帥萬人從東道討

郭馬

帥讀曰率

馬殺南海太守劉略逐廣州刺史徐旗吳主

又遣徐陵督陶濬將七千人

徐陵與洞浦對岸吳主權時呂範洞浦之敗魏臧霸

度江攻徐陵全琮徐盛擊却之又華覈封徐陵亭侯則徐陵蓋亭名吳以其臨江津置督守之南徐州記曰京口先爲徐陵其地蓋丹徒縣之西鄉京口里也從西道與交州牧陶璜共擊馬

吳有鬼目菜生工人黃耆家有買菜生工人吳平家

吳志曰鬼目菜依緣菜樹長丈餘莖廣四寸厚三分買菜高四尺厚二分如枇杷形莖廣尺八寸下莖廣五寸兩邊生葉綠色東觀案圖書吳有東觀令名鬼目曰芝草買菜

曰平慮草吳主以耆爲侍芝郎平爲平慮郎皆銀印青

綬

以漢制言之銀印青綬中二千石服之

吳主每宴羣臣咸令沈醉

沈持林翻

又置黃門郎十人爲司過宴罷之後各奏其闕失迂視

謬言罔有不舉

沈持林翻迂五故翻逆也

大者即加刑戮小者記錄

爲罪或剝人面或鑿人眼由是上下離心莫爲盡力

爲于

偽翻益州刺史王濬上疏曰孫皓荒淫凶逆宜速征伐若

一旦皓死更立賢主則彊敵也

更工衡翻

臣作船七年

泰始八年

濬始作船至是蓋七期年矣

日有朽敗臣年七十死亡無日三者一

乖則難圖也誠願陛下無失事機帝於是決意伐吳會

安東將軍王渾表孫皓欲北上

上時掌翻

邊戍皆戒嚴朝廷

乃更議明年出師王濬參軍何攀奉使在洛上疏稱皓

必不敢出宜因戒嚴掩取其易

易以鼓翻

杜預上表曰自閏

月以來

是年閏七月

賊但敕嚴下無兵上

吳自建業寇淮襄皆自下浙江而上

上時掌翻

以理執推之賊之窮計力不兩完必保夏口以東

以延視息

凡人目不能視氣不能息則赫然死人矣

無緣多兵西上空其國

都而陛下過聽便用委棄大計縱敵患生誠可惜也嚮

使舉而有敗勿舉可也今事爲之制務從完牢若或有

成則開太平之基不成不過費損日月之間何惜而不

一試之若當須後年

須待也

天時人事不得如常臣恐其

更難也今有萬安之舉無傾敗之慮臣心實了

了決也

不

敢以曖昧之見自取後累

曖昧不明也累力瑞翻

惟陛下察之旬

月未報預復上表曰

復扶又翻

羊祜不先博謀於朝臣

朝直遙翻

而密與陛下共施此計故益今朝臣多異同之議凡事

當以利害相校今此舉之利十有八九而其害一二止

於無功耳必使朝臣言破敗之形亦不可得直是計不

出已功不在身各恥其前言之失而固守之也

此言指出賈充

荀勗馮統等肺腑

自頃朝廷事無大小異意鋒起雖人心不同

亦由恃恩不慮後患故輕相異同也自秋已來討賊之

形頗露今若中止孫皓或怖而生計

怖普布翻

徙都武昌更

完修江南諸城遠其居民城不可攻野無所掠則明年

之計或無所及矣帝方與張華圍碁

博物志曰堯造圍碁以教子丹朱或

曰舜以子商均愚故作圍碁以教之其法非智莫能也

預表適至華推枰斂手曰

推吐雷翻枰音平碁局也

陛下聖武國富兵彊吳主淫虐誅殺賢能

當今討之可不勞而定願勿以爲疑帝乃許之以華爲

度支尚書量計運漕

度徒洛翻量音良

賈充荀勗馮統固爭之

統吐
感翻

帝大怒充免冠謝罪僕射山濤退而告人曰自非

聖人外寧必有內憂

左傳晉大夫
范文子之言

今釋吳爲外懼豈非

笑乎

山濤身爲大臣不昌言於朝而
退以告人蓋求合於賈充者也

冬十一月大舉伐

吳遣鎮軍將軍琅邪王伷出涂中

伷音胄吳主權作堂
邑涂塘即其地蓋從

今滁州取真州
路涂讀曰滁

安東將軍王渾出江西

今和州出
橫江渡路

建威

將軍王戎出武昌平南將軍胡奮出夏口鎮南大將軍

杜預出江陵龍驤將軍王濬巴東監軍魯國唐彬下巴

蜀

監古
銜翻

東西凡二十餘萬命賈充爲使持節假黃鉞大

都督

魏文帝以曹真都督中外諸軍事假黃鉞明帝太和四年司馬懿征蜀加號大都督此仍魏制也武

王伐紂左杖黃鉞黃鉞天子之器非人臣所得專用故曰假使疏吏翻

以冠軍將軍楊濟

副之

冠古玩翻

充固陳伐吳不利且自言衰老不堪元帥之

任

帥讀從所類翻

詔曰君若不行吾便自出充不得已乃受節

鉞將中軍南屯襄陽爲諸軍節度

馬隆西度溫水

武威

之東有溫水

樹機能等以衆數萬據險拒之隆以山路陁隘

乃作扁箱車

陁與狹同車箱扁則可行狹路扁補典翻

爲木屋施於車上

木屋

所以蔽風雨捍矢石轉戰而前行千餘里殺傷甚衆

考異曰隆傳曰或夾道

累磁石賊被鐵鎗行不得前隆卒悉被犀甲無所留礙賊以爲神按此說太誕恐不可信 余謂磁石背鐵鎗

誠有此理 自隆之西音問斷絕朝廷憂之或謂已沒後隆使

夜到使疏帝撫掌歡笑詰朝召羣臣謂曰若從諸卿言

無涼州矣詰去古翻乃詔假隆節拜宣威將軍沈約志

軍四十號隆至武威鮮卑大人猝跋韓且萬能帥萬餘

落來降且子閭翻十二月隆與樹機能大戰斬之

涼州遂平 詔問朝臣以政之損益司徒左長史傅咸

上書晉志司徒加置左右長史各一人朝直遙翻以爲公私不足由設官太

多舊都督有四今并監軍乃盈於十

魏初置都督諸軍東南以備吳西以

備蜀北以備胡隨其資望輕重而加以征鎮安平之號有四而已其後增置有都督鄴城守諸軍都督秦雍涼

諸軍都督梁益諸軍都督荊州諸軍都督揚州諸軍都督徐州諸軍都督淮北諸軍都督豫州諸軍都督幽州

諸軍都督并州諸軍凡

禹分九州今之刺史幾向一倍

十其資輕者爲監軍

時有司豫徐兗荆揚梁益寧交秦雍涼冀幽并青十八州刺史幾居希翻

戶口比漢十分之

一漢元始之初民戶千三百二十三萬三千六百一十二口五千九百一十九萬四千九百七十八漢之極

盛也桓帝之初戶二十六百七萬九百六十五萬六千八百五十六魏既并蜀景元四年與蜀通計民戶九十四萬三千四百二十三口五百三十七萬二千八百九十一蓋口猶及漢十分之一而戶則未幾及也

而置郡縣更多虛立軍府動有百數而無益宿衛五等

諸侯坐置官屬

軍府謂驃騎車騎衛伏波撫軍都護鎮軍中軍典軍上軍撫國領軍護軍左右

衛驍騎游擊左右前後軍及雜號將軍也五等諸侯官屬王置傅友文學郎中令中尉大農左右常侍寺郎典書典祠典衛學官等令典書丞治書中尉司馬世子庶子陵廟牧長謁者中大夫舍人典府公侯以下置官屬隨國小大無定制諸所廩給皆出百姓此其所以困乏者也當

今之急在於并官息役上下務農而已咸玄之子也時又議省州郡縣半吏以赴農功中書監荀勗以爲省吏不如省官省官不如省事省事不如清心昔蕭曹相漢

載其清靜民以寧一

事見十三卷
漢惠帝二年

所謂清心也抑浮說

簡文案略細苛宥小失有好變常以徼利者必行其誅

所謂省事也

好呼倒翻
徼一違翻

以九寺併尚書蘭臺付三府所

謂省官也

九寺謂九卿寺也漢初九卿各有所掌東都
以後尚書諸曹分掌衆軍九卿殆爲具官故

欲併之尚書蘭臺御史臺也三府三公府也漢丞相有
長史司直御史大夫有中丞侍御史掌察舉非法故勗
欲以蘭臺
付之三府若直作大例凡天下之吏皆減其半恐文武

衆官郡國職業劇易不同

易以
鼓翻

不可以一槩施之若有

曠闕皆須更復或激而滋繁亦不可不重也

[illegible]

資治通鑑卷八十

資治通鑑卷八十一

宋 司馬光 撰

胡三省 音註

晉紀三

起上章因敦盡著
雍渚灘凡九年

世祖武皇帝中

太康元年

是年四月
月改元

春正月吳大赦

杜預向江陵王渾

出橫江攻吳鎮戍所向皆克二月戊午王濬唐彬擊破

丹陽監盛紀

丹陽城在秭歸縣東八里昔周武王封熊
繹於荆丹陽之地即此今謂之屈沱楚王

城吳人於江磧要害之處

磧七逆翻水渚有沙石曰磧

並以鐵鎖橫

截之又作鐵錐長丈餘暗置江中以逆拒舟艦

長直亮翻艦戶

點翻濬作大筏數十方百餘步縛草爲人被甲持仗令善

水者以筏先行遇鐵錐輒著筏而去

筏音伐被皮義翻著陟略翻後

著手同又作大炬長十餘丈

長直亮翻

大數十圍灌以麻油在

船前遇鎖然炬燒之須臾融液斷絕於是船無所礙

以人

力設險而不以人力守之無益也

庚申濬克西陵殺吳都督留憲等壬

戌克荊門夷道二城

荊門在西陵之東夷道之西

殺夷道監陸晏杜

預遣牙門周育等帥奇兵八百汎舟夜渡江襲樂鄉

帥

曰多張旗幟起火巴山

巴山在今江陵府松滋縣有巴復村幟昌志翻

吳都督

孫歆懼與江陵督伍延書曰北來諸軍乃飛渡江也

等伏兵樂鄉城外歆遣軍出拒王濬大敗而還育等發

伏兵隨歆軍而入歆不覺直至帳下虜歆而還乙丑王

濬擊殺吳水軍都督陸景

考異曰武紀壬戌濬克夷道樂鄉城殺陸景陸抗傳壬

戌殺晏癸亥殺景王濬傳壬戌克夷道獲晏乙丑克樂鄉獲景今從濬傳

杜預進攻江陵甲

戌克之斬伍延於是沅湘以南接于交廣州郡皆望風

送印綬

水經沅水出牂牁且蘭縣東北過臨沅縣又東至長沙下雋縣西北入于江湘水出零陵始安

縣陽海山東北過沅陽泉陵重安邛陰山澧陵臨湘羅下雋等縣又北至巴丘山入于江沅音元 預杖

節稱詔而綏撫之凡所斬獲吳都督監軍十四牙門郡

守百二十餘人胡奮克江安

江安即公安吳南郡治焉杜預既定江南改曰江安

縣爲南平郡治所

乙亥詔王濬唐彬既定巴丘與胡奮王戎共

平夏口武昌順流長騫直造秣陵

夏戶雅翻造七到翻下徑造同

杜預

當鎮靜零桂懷輯衡陽

零陵桂陽漢古郡衡陽吳主亮太平二年分長沙西部都尉立

大兵既過荊州南境固當傳檄而定

謂重鎮既破其餘當望風而靡也

預等各分兵以益濬彬太尉充移屯項

以荊州已定不復使賈充南屯

襄陽移屯項爲諸軍節度

王戎遣參軍襄陽羅尚南陽劉喬將兵與

王濬合攻武昌吳江夏太守劉朗督武昌諸軍虞曷皆

降

夏戶雅翻降戶江翻

曷翻之子也杜預與衆軍會議或曰百年

之寇未可盡克方春水生難於久駐

考異曰杜預傳曰今向暑水潦方

降疾疫將起按時未暑今依三十國春秋

宜俟來冬更爲大舉預曰昔樂毅

藉濟西一戰以并彊齊

事見四卷周報王三十一年

今兵威已振譬

如破竹數節之後皆迎刃而解無復著手處也

復扶又翻下可

復所復同
著陟畧翻

遂指授羣帥方略徑造建業

帥所類翻

吳主聞王

渾南下使丞相張悌督丹陽太守沈瑩護軍孫震副軍

師諸葛靚帥衆三萬渡江逆戰

靚疾正翻帥讀曰率下同

至牛渚沈

瑩曰晉治水軍於蜀久矣

治直之翻

上流諸軍素無戒備名

將皆死幼小當任

謂陸晏陸景留憲孫歆等

恐不能禦也晉之水軍

必至於此宜畜衆力以待其來與之一戰若幸而勝之

江西自清

大江南北流自建業言之歷陽皖城皆爲江西

今渡江與晉大軍戰

不幸而敗則大事去矣悌曰吳之將亡賢愚所知非今

日也吾恐蜀兵至此衆心駭懼不可復整

復扶又

及今

渡江猶可決戰若其敗喪

喪息浪翻

同死社稷無所復恨若

其克捷北敵奔走兵勢萬倍便當乘勝南上

上時掌翻

逆之

中道不憂不破也若如子計恐士衆散盡坐待敵到君

臣俱降無一人死難者不亦辱乎

如悌之言吳人至此爲計窮矣然悌之志

節亦可憐也難乃旦翻

三月悌等濟江圍渾部將城陽都尉張喬

於楊荷

水經注淮水自江夏平春縣北東北流逕汝南城陽縣故城南漢高帝十二年封定侯吳竟爲

侯國王莽之新利也魏置城陽郡按干寶晉紀楊荷橋名今按水經注之城陽郡乃元魏所置張喬蓋以渾部

將領青州之
城陽都尉也

喬衆纔七千閉柵請降諸葛靚欲屠之悌

曰彊敵在前不宜先事其小且殺降不祥靚曰此屬以

救兵未至力少不敵故且僞降以緩我非真伏也

降戶江翻

伏屈伏也或曰伏當作服

若捨之而前必爲後患悌不從撫之而進

悌與揚州刺史汝南周浚結陳相對

陳讀曰陣

沈瑩帥丹陽

銳卒刀楯五十三衝晉兵不動

楠食尹翻

瑩引退其衆亂將

軍薛勝蔣班因其亂而乘之吳兵以次奔潰將帥不能

止張喬自後擊之大敗吳兵于版橋

敗補遺翻

諸葛靚帥數

百人遁去使過迎張悌悌不肯去靚自往牽之曰存亡

自有大數非卿一人所支奈何故自取死悌垂涕曰仲

思

諸葛靚字仲思

今日是我死日也且我爲兒童時便爲卿家

丞相所識拔

丞相謂諸葛亮也或曰謂諸葛瑾余謂張悌襄陽人蓋亮在荊州識之於童幼也

常恐不得其死負名賢知顧今以身徇社稷復何道邪

道言也復

扶又翻

靚再三牽之不動乃流淚放去行百餘步顧

之已爲晉兵所殺并斬孫震沈瑩等七千八百級吳人

大震初詔書使王濬下建平受杜預節度至建業受王

渾節度預至江陵謂諸將曰若濬得建平則順流長驅

威名已著不宜令受制于我若不能克則無緣得施節

度濬至西陵預與之書曰足下既摧其西藩便當徑取

建業討累世之逋寇釋吳人於塗炭振旅還都亦曠世

一事也言歷世所曠見之事濬大悅表陳預書及張悌敗死揚州

別駕何憚憚委粉謂周浚曰張悌舉全吳精兵殄滅於此

吳之朝野莫不震懾朝直達翻懾之涉翻今王龍驤既破武昌王濬

爲龍驤將軍乘勝東下所向輒克土崩之勢見矣見賢遍翻

謂宜速引兵渡江直指建業大軍猝至奪其膽氣可不
戰禽也浚善其謀使白王渾惲曰渾閭於事機而欲慎
已免咎必不我從浚固使白之渾果曰受詔但令屯江
北以抗吳軍不使輕進貴州雖武豈能獨平江東乎今
者違命勝不足多若其不勝爲罪已重且詔令龍驤受
我節度但當具君舟楫一時俱濟耳惲曰龍驤克萬里
之寇以既成之功來受節度未之聞也且明公爲上將
亮翻見可而進豈得一一須詔令乎

將即須待

今乘此渡江

十全必克何疑何慮而淹留不進此鄙州上下所以恨

恨也

此所謂恨恨恨望不滿之意

渾不聽王濬自武昌順流徑趣建

業

趣七喻翻

吳主遣遊擊將軍張象帥舟師萬人禦之象衆

望旗而降濬兵甲滿江旌旗燭天威勢甚盛吳人大懼

吳主之嬖臣岑昏以傾險諛佞致位九列

九列九卿也

好興

功役

好呼到翻

爲衆患苦及晉兵將至殿中親近數百人叩

頭請於吳主曰北軍日近而兵不舉刃陛下將如之何

吳主曰何故對曰正坐岑昏耳吳主獨言若爾當以奴

謝百姓

獨言謂其言止此耳

衆因曰唯

唯于癸翻諾也

遂並起收昏吳主

駱驛追止

駱驛言相繼遣人不絕也

已屠之矣陶濬將討郭馬至武

昌聞晉兵大入引兵東還至建業吳主引見問水軍消

息

見賢通翻

對曰蜀船皆小

陶濬蓋以尋常蜀船言之謀候不明亦可見矣

今得二

萬兵乘大船以戰自足破之於是合衆授濬節鉞明日

當發其夜衆悉逃潰時王渾王濬及琅邪王伷皆臨近

境

仙音

吳司徒何植建威將軍孫晏

漢光武命耿弇爲建威大將軍建威

之號自此始

悉送印節詣渾降吳主用光祿勳薛瑩中書令

胡冲等計分遣使者奉書於渾濬，由以請降，又遺其羣

臣書

遺于季翻

深自咎責，且曰：「今大晉平治四海，是英俊展

節之秋，勿以移朝改朔，用損厥志。」

治直之翻，朝直遙翻。

使者先送

璽綬於琅邪王，由壬寅王濬舟師過三山。

三山在今建康府上元縣

西南四十五里，又西即江寧夾陸游曰：三山磯在烈洲下，凡山臨江皆曰磯。三山距金陵財五十餘里。

王

渾遣信要濬，暫過論事。

信即信使，要請曰：邀暫與暫同。

濬舉帆直指建

業，報曰：「風利不得泊也。」是日濬戎卒八萬，方舟百里。

詩云

就其深矣，方之舟之注方，汭也。舟船也。爾雅：方木，置水曰汭。音夫。

鼓譟入于石頭，吳主

皓面縛輿櫬詣軍門降濬解縛焚櫬延請相見

櫬初觀翻

收

其圖籍克州四郡四十二戶五十二萬三千兵二十三

萬

吳有荆揚交廣四州漢獻帝興平二年孫策始取江東魏文帝黃初三年吳主孫權始稱帝傳四主五十

七年而亡

朝廷聞吳已平羣臣皆賀上壽帝執爵流涕曰此

羊太傅之功也

異義韓詩一升曰爵爵盡也足也羊祜贈太傅

票騎將軍孫秀

不賀

孫秀來奔見七十九卷泰始六年票匹妙翻

南向流涕曰昔討逆弱冠

以一校尉創業

討逆孫策也起兵之初袁術表爲懷義校尉冠古玩翻

今後主舉

江南而棄之宗廟山陵於此爲墟悠悠蒼天此何人哉

詩來離之辭

吳之未下也大臣皆以爲未可輕進獨張華堅

執以爲必克賈充上表稱吳地未可悉定方夏江淮下

濕疾疫必起宜召諸軍還以爲後圖雖腰斬張華不足

以謝天下帝曰此是吾意華但與吾同耳荀勗復奏宜

如充表帝不從

復扶又翻

杜預聞充奏乞罷兵馳表固爭使

至輾轉而吳已降

使疏吏翻輾音環

充慙懼詣闕請罪帝撫而

不問夏四月甲申詔賜孫皓爵歸命侯乙酉大赦改元

改元太康自此以前係咸寧六年事

大酺五日

酺薄乎翻

遣使者分詣荆揚撫

慰吳牧守已下皆不更易

守式又翻
更工衡翻

除其苛政悉從簡

易

易以
鼓翻

滕修討郭馬未克

去年吳主皓遣
滕修討郭馬

聞晉伐吳帥

衆赴難

帥讀曰率
難乃旦翻

至巴丘聞吳亡縞素流涕還與廣州

刺史閻豐

閻姓豐名此與後魏閻大肥不同所自出閻
大肥出於柔然郁久閻氏左傳楚平王之子

啟字子閻其
後以爲氏

蒼梧太守王毅各送印綬請降孫皓遣陶

璜之子融持手書諭璜璜流涕數日亦送印綬降帝皆

復其本職

綬音
受

王濬之東下也吳城戍皆望風款附獨

建平太守吾彥嬰城不下聞吳亡乃降帝以彥爲金城

太守初朝廷尊寵孫秀孫楷

楷降見上卷咸寧二年

欲以招來吳

人及吳亡降秀爲伏波將軍楷爲渡遼將軍琅邪王伷

遣使送孫皓及其宗族詣洛陽五月丁亥朔皓至

異曰考

皓傳天紀四年三月丙寅殺岑昏戊辰陶濬從武昌還
壬申王濬到受皓降五月丁亥集于京邑四月甲申封
歸命侯晉武紀太康元年二月王濬等破武昌王渾斬
張悌三月壬申濬下石頭皓降乙酉大赦改元四月遣
朱震等慰撫五月辛亥封歸命侯丙寅引皓升殿庚午
詔士卒六十歸家庚辰以濬爲輔國將軍王濬傳二月
庚申克西陵又云壬寅濬入石頭而無月又上書曰臣
十四日至牛渚十五日至秣陵亦無月又曰去二月武
昌失守皓左右皆得寶散走三十國春秋四月甲子王
渾斬張悌丙寅殺岑昏與何植書庚午送降書壬申濬

入石頭甲申封歸命侯五月丁亥至洛陽晉春秋畧與
之同按長歷去年閏七月今年二月戊午朔三月戊子
朔四月丁巳朔五月丁亥朔六月丙辰朔然則三月無
戊辰丙寅壬申五月無庚午庚辰與吳志晉書不合若
依三十國春秋月日雖合然二月武昌失守皓左右離
散不容四月十六日王濬乃至秣陵而皓降又皓以四
月十六日降舉家西上至五月一日未能至洛今事
之先後並依吳志晉書但削去其日之不與歷合者與

其太子瑾等泥頭面縛詣東陽門

晉志洛陽城東有建春東陽清明三門泥

頭者以泥塗其首也瑾渠各翻

詔遣謁者解其縛賜衣服車乘田三十

頃歲給錢穀綿絹甚厚

武王伐紂斬其首懸於太白之旗如孫皓之凶暴斬之以謝吳

人可也乘繩證翻

拜瑾爲中郎諸子爲王者皆爲郎中吳之舊

望隨才擢敘孫氏將吏渡江者復十年百姓復二十年

將即亮翻復方目翻

庚寅帝臨軒大會文武有位及四方使者國

子學生皆預焉引見歸命侯皓及吳降人皓登殿稽顙

見賢通翻稽顙周之喪拜顙顙也稽顙額觸地無容稽音啟

帝謂皓曰朕設此座以

待卿久矣皓曰臣於南方亦設此座以待陛下賈充謂

皓曰聞君在南方鑿人目剥人面皮此何等刑也皓曰

人臣有弑其君及姦回不忠者則加此刑耳

斥充世受魏恩而姦

回附晉弑高貴鄉公也

充默然甚愧而皓顏色無忤

忤作疾各翻慙也

帝從

容問散騎常侍薛瑩孫皓所以亡對曰皓昵近小人

從于

容翻近其新翻

刑罰放濫大臣諸將人不自保此其所以亡也

它日又問吾彥對曰吳主英俊宰輔賢明帝笑曰若是

何故亡彥曰天祿永終歷數有屬故爲陛下禽耳帝善

之

有學而無識此薛瑩所以不及吾彥也屬之欲翻

王濬之入建業也其明日

王渾乃濟江以濬不待已至先受孫皓降意甚愧忿將

攻濬何攀勸濬送皓與渾由是事得解何憚以渾與濬

爭功與周浚牋曰書貴克讓易大謙光

書曰允恭克讓易曰謙尊而光

前破張悌吳人失氣龍驤因之陷其區宇論其前後我

實緩師既失機會不及於事而今方競其功

競爭也

彼既

不吞聲將虧雍穆之弘興矜爭之鄙

雍穆和也書曰汝惟不矜天下莫與

汝爭能

斯實愚情之所不取也浚得牋即諫止渾渾不納

表濬違詔不受節度誣以罪狀渾子濟尚常山公主

公主

帝女也

宗黨彊盛有司奏請檻車徵濬帝弗許但以詔書

責讓濬以不從渾命違制昧利濬上書自理曰前被詔

書令臣直造秣陵

被皮義翻下同造七到翻下同

又令受太尉充節度

臣以十五日至三山見渾軍在北岸遣書邀臣臣水軍

風發徑造賊城無緣迴船過渾

過工木翻

臣以日中至秣陵

暮乃被渾所下當受節度之符

被皮義翻下廷稼翻

欲令臣明十

六日悉將所領還圍石頭

十六日者十五之明日故曰明十六日將即亮翻

又

索蜀兵及鎮南諸軍人名定見

鎮南諸軍杜預所統蓋分以隨潘東下者也定

見謂軍人在行定數索山客翻

臣以爲皓已來降無緣空圍石頭又兵

人定見不可倉猝得就皆非當今之急不可承用非敢

忽棄明制也皓衆叛親離匹夫獨坐雀鼠貪生苟乞一

活耳而江北諸軍不知虛實不早縛取自爲小誤臣至

便得更見怨恚

恚於避翻

並云守賊百日而令他人得之臣

愚以爲事君之道苟利社稷死生以之若其顧嫌疑以

避咎責此是人臣不忠之利實非明主社稷之福也渾

又騰周浚書云濬軍得吳寶物

騰其書使上聞

又云濬牙門將

李高放火燒皓僞宮濬復表曰

復扶又翻

臣孤根獨立結恨

彊宗夫犯上干主其罪可救乖忤貴臣禍在不測

忤五故翻

僞中郎將孔攄說去二月武昌失守水軍行至

二月已過故云

去二月行至猶言行
將至也據抽居翻

皓案行石頭還

行下孟翻

左右人皆跳

刀大呼

楊正衡曰跳大么翻呼火故翻

云要當爲陛下一死戰決之

爲于

偽翻皓意大喜意必能然便盡出金寶以賜與之小人無

狀得便馳走皓懼乃圖降首

首式救翻

降使適去

降戶江翻使疏吏翻

左右劫奪財物略取妻妾放火燒宮皓逃身竄首恐不

脫死臣至遣參軍主者救斷其火耳

斷丁管翻

周浚先入皓

宮渾又先登皓舟臣之入觀皆在其後皓宮之中乃無

席可坐若有遺寶則浚與渾先得之矣浚等云臣屯聚

蜀人不時送皓欲有反狀又恐動吳人言臣皆當誅殺

取其妻子冀其作亂得騁私忿

騁丑
郢翻

謀反大逆尚以見

加其餘謗

音達合翻
嗜語相惡也

故其宜耳今年平吳誠爲大

慶於臣之身更受咎累

累力
瑞翻

濬至京師有司奏濬違詔

大不敬請付廷尉科罪詔不許

科斷
也

又奏濬赦後燒賊

船百三十五艘輒敕付廷尉禁推

此皆王渾親黨使
爲之艘蘇刀翻

詔

勿推渾濬爭功不已帝命守廷尉廣陵劉頌校其事以

渾爲上功濬爲中功帝以頌折法失理

折法猶折獄
之折折斷也

左

遷京兆太守

魏文帝受禪改京兆尹爲太守夷於列郡

庚辰增賈充邑八千

戶以王濬爲輔國大將軍封襄陽縣侯杜預爲當陽縣

侯王戎爲安豐縣侯封琅邪王伷二子爲亭侯增京陵

侯王渾邑八千戶進爵爲公尚書關內侯張華進封廣

武縣侯增邑萬戶

王渾除京陵舊食邑之外增八千戶張華則增廣武侯邑爲萬戶

荀

勗以專典詔命功封一子爲亭侯

勗爲中書監專典詔命

其餘諸

將及公卿以下賞賜各有差帝以平吳功策告羊祜廟

乃封其夫人夏侯氏爲萬歲鄉君食邑五千戶

夏侯氏

王

濬自以功大而爲渾父子及黨與所挫抑每進見

見賢通翻

陳其攻伐之勞及見枉之狀或不勝忿憤徑出不辭帝

每容恕之

晉武之量宏於隋文勝音升

益州護軍范通謂濬曰卿功

則美矣然恨所以居美者未盡善也卿旋旆之日角巾

私第

晉志曰巾以葛爲之形如帽而橫著之古者尊卑共服之余謂幅巾以橫幅爲之角巾則巾之有角

者郭林宗遇雨巾一角墊則角巾也

口不言平吳之事若有問者則曰聖

人之德羣帥之力老夫何力之有此蘭生所以屈廉頗

也

事見四卷周赧王三十六年帥所類翻

王渾能無愧乎濬曰吾始懲鄧

艾之事

鄭艾之死以鍾會所藏艾情不得上通也

懼禍及身不得無言其終

不能遣諸胷中是吾褊也

自知數陳其功及爲渾所枉爲褊褊補辨翻

時人

咸以濬功重報輕爲之憤邑

爲于偽翻

博士秦秀等並上表

訟濬之屈帝乃遷濬鎮軍大將軍

考異曰濬傳云領步兵校尉舊校唯五

置此營自濬始也按職官志屯騎步兵長水越騎射聲校尉是爲五校並漢官也然則步兵之名非自濬始武

帝紀是年六月丁丑初置翊軍校尉官疑濬所領者翊軍也

王渾嘗詣濬濬嚴設備

衛然後見之

周勃就國絳及河東吏至常令家人被甲持兵以見之亦猶王濬之嚴設備衛以見

王渾也此二人者力足以定天下之難智足以取一國而其所以包周身之防乃爾可笑也

杜預還

襄陽以爲天下雖安忘戰必危乃勤於講武申嚴戍守

又引淦清水以浸田萬餘頃

水經注淦水出南陽魯山縣西堯山東逕雙縣又東

南逕昆陽縣又東北逕潁川定陵縣東入于汝清水出弘農盧氏縣攻離山東南逕南陽西鄆縣宛縣而屈南過消陽縣又南過新野縣西過鄆縣南入于沔淦音文几翻淦音育開揚口通零桂之漕

水經注揚水上承江陵縣赤湖東北流逕郢城南又東北與三湖水會三湖者合爲一水東通荒谷東岸有治父城春秋傳曰莫敖縊于荒谷羣帥因於治父謂此處也春夏水盛則南通大江否則南迄江隄揚水又東入華容縣又東北與柞溪水合又北逕竟陵縣又北注于沔謂之揚口預傳曰舊水道惟沔漢達江陵千數百里北無通路預乃開揚口起夏水達巴陵千餘里內瀉長江之險外通零桂之漕杜佑曰夏水揚口在今江陵郡

江陵縣界

公私賴之預身不跨馬射不穿札

札甲札也左傳潘厓之黨與養

由基蹲甲而射之徹七札焉

而用兵制勝諸將莫及預在鎮數餉遺

洛中貴要

數所角翻遺于季翻

或問其故預曰吾但恐爲害不求

益也王渾遷征東大將軍復鎮壽陽諸葛靚逃竄不出

靚入吳見七十七卷魏高貴鄉公甘露二年

帝與靚有舊靚姊爲琅邪王妃

琅邪王

帝知靚在姊間因就見焉靚逃于廁帝又逼見之

謂曰不謂今日復得相見靚流涕曰臣不能漆身皮面

自謂不能如復靚聖顏誠爲慙恨詔以爲侍中固辭不豫讓聶政也

拜歸于鄉里終身不向朝廷而坐

諸葛氏之子皆有志節

六月

復封丹水侯睦爲高陽王

睦貶爵見上卷咸寧三年

秋八月己未

封皇弟延祚爲樂平王尋薨

九月庚寅賈充等以天

下一統屢請封禪帝不許

冬十月前將軍青州刺史

淮南胡威卒

帝以左右前後四將軍爲四軍

威爲尚書嘗諫時政之寬

帝曰尚書郎以下吾無所假借威曰臣之所陳豈在丞

郎令史正謂如臣等輩始可以肅化明法耳

威質之子也

是歲以司隸所統郡置司州凡州十九

州郡志太康元

年天下一統凡十六州後又分雍梁爲秦分荆揚爲江
分益爲寧分幽爲平而爲二十矣按杜佑通典平吳分
十九州司兗豫冀并青徐荆揚梁雍秦益梁寧幽平交
廣今從之杜佑曰司州治洛陽兗治廩丘今濮陽郡
雷澤縣豫治項今淮陽郡項城縣冀治房子今趙郡縣
并治晉陽青治臨菑徐治彭城荆初治襄陽後治江陵
楊治壽春後治建業涼治武威分三輔爲雍治京兆分
隴山之西爲秦治上邽益治成都分巴漢之地爲梁治
南鄭分雲南爲寧治雲南幽治涿分遼東爲平
治昌黎交治龍編分合浦之北爲廣治番禺

郡國一

百七十三戶二百四十五萬九千八百四十 詔曰昔

自漢末四海分崩刺史內親民事外領兵馬今天下爲

一當韜戢干戈刺史分職皆如漢氏故事

察舉郡縣長吏而已

悉

去州郡兵大郡置武吏百人小郡五十人交州牧陶璜

上言交廣東西數千里

交州統合浦交趾新昌武平九真九德日南廣州統南海臨賀

始安始興蒼梧鬱林桂林高涼高寧浦郡去羗呂翻下宜去同

不賓屬者六萬餘戶

至於服從官役纔五千餘家二州脣齒唯兵是鎮又寧

州諸夷接據上流水陸並通

僕水葉榆水勞水橋水皆出寧州界入交廣界又霍

弋自寧州遣楊稷等經略交廣是水陸並通也

州兵未宜約損以示單虛僕射

山濤亦言不宜去州郡武備帝不聽及永寧以後盜賊

蜂起州郡無備不能禽制天下遂大亂如濤所言然其

後刺史復兼兵民之政州鎮愈重矣 漢魏以來羌胡

鮮卑降者

降戶江翻

多處之塞內諸郡其後數因忿恨殺害

長吏深爲民患侍御史西河郭欽上疏曰戎狄彊獷

處昌

呂翻數所角翻獷古猛翻麤惡貌

歷古爲患魏初民少

少詩治翻

西北諸郡

皆爲戎居內及京兆魏郡弘農往往有之今雖服從若

百年之後有風塵之警胡騎自平陽上黨不三日而至

孟津北地西河太原馮翊安定上郡盡爲狄庭矣宜及

平吳之威謀臣猛將之略漸徙內郡雜胡於邊地峻四

夷出入之防明先王荒服之制

禹貢五服相距方五千里荒服內距甸服二十

里此萬世之長策也帝不聽

爲後諸胡亂華張本

二年春三月詔選孫皓宮人五千人入宮帝既平吳頗

事遊宴怠於政事掖庭殆將萬人常乘羊車

晉志曰羊車一名輦

車上如輶伏兔箱漆畫輪輓

恣其所之至便宴寢宮人競以竹葉插

戶鹽汁灑地以引帝車

羊嗜竹葉而喜鹹故以二者引帝車

而后父楊駿

及弟璠濟始用事

璠余招翻

交通請謁勢傾內外時人謂之

三楊舊臣多被疎退山濤數有規諷

數所角翻下同

帝雖知而

不能改 初鮮卑莫護跋始自塞外入居遼西棘城之

北棘城在昌黎縣界是後慕容氏置棘城縣拓跋魏太

武帝真君八年併棘城入昌黎郡龍城縣載記曰莫護

跋從宣帝伐公孫氏有功拜號曰慕容部魏書曰漢桓

帝時鮮卑檀石槐分其地爲東中西三部中部大人曰柯最關居慕

容等爲大帥是則慕容部之始也載記曰莫護跋國于

棘城之北時燕代多冠步搖冠莫護跋見而好之乃斂

髮襲冠諸部因呼之爲步搖其後音訛遂爲慕容或云

慕容二儀之德繼三光之容遂以慕容爲氏余謂步搖之

說誕或云之說慕容氏既得中國其臣子從而爲之辭

莫護跋生木延木延生涉歸遷於遼東之北世附中國

數從征討有功拜大單于

單音蟬

冬十月涉歸始寇昌黎

昌黎漢之交黎縣屬遼西郡東漢屬遼東屬國都尉魏
正始五年鮮卑內附復置遼東屬國立昌黎縣以居之
後立昌黎郡慕容氏始此 考異曰帝紀云慕容廆按
范亨燕書武宣紀廆泰始五年生年十五父單于涉歸
卒太康四年也此 十一月壬寅高平武公陳騫薨

考

異曰帝紀云大司馬按騫以咸
寧三年辭位以高平公還第

是歲揚州刺史周浚

移鎮秣陵

魏揚州治壽春晉平吳乃移治秣陵揚者江
南之氣躁勁厥性輕揚亦曰州界多水水波

揚也統丹陽宣城淮南廬陵廬江毗陵吳興會稽東
陽新安臨海建安晉安豫章臨川鄱陽南康凡十八郡

吳民之未服者屢爲寇亂浚皆討平之賓禮故老搜求

俊又威惠並行吳人悅服

三年春正月丁丑朔帝親祀南郊禮畢喟然問司隸校尉劉毅曰朕可方漢之何帝對曰桓靈帝曰何至於此對曰桓靈賣官錢入官庫陛下賣官錢入私門以此言之殆不如也帝大笑曰桓靈之世不聞此言今朕有直

臣固爲勝之

考異曰地理志太康元年省司隸置司州毅傳毅爲司隸校尉帝嘗南郊禮畢問

毅而無年月晉春秋問毅在此月而不言毅官按毅傳六年自司隸遷左僕射或者此年尚未改爲司州也今

從毅傳

毅爲司隸糾繩豪貴無所顧忌

繩彈正也糾督也

皇太子

鼓吹入東掖門

臣子至宮掖門屏儀導下車而入太子鼓吹入掖門爲不敬吹昌瑞翻

毅

劾奏之

劾戶槩翻又戶得翻

中護軍散騎常侍羊琇與帝有舊恩

事見七十八卷魏元

帝咸熙元年琇音秀

典禁兵豫機密十餘年恃寵驕侈

數犯法

數所角翻

毅劾奏琇罪當死帝遣齊王攸私請琇於

毅毅許之都官從事廣平程衛徑馳入護軍營收琇屬

吏

屬之欲翻

考問陰私先奏琇所犯狼籍然後言於毅帝不

得已免琇官未幾復使以白衣領職

幾居豈翻

琇景獻皇后

之從父弟也後將軍王愷文明皇后之弟也

景帝羊后謚景獻文

帝王后謚文明從才用翻

散騎常侍石崇苞之子也三人皆富於財

競以奢侈相高愷以粘澳釜

粘盈之翻錫也說文白米漿煎也一曰濡弱者爲粘

澳於到翻今台明謂以水沃釜爲澳鑊又乙六翻

崇以蠟代薪

蠟蜜澤也

愷作紫絲

步障四十里崇作錦步障五十里

步障夾道設之以障蔽若今之罽毼

崇

塗屋以椒

椒性溫而芬馥

愷用赤石脂

本草圖經曰赤石脂出濟南射陽及太山之陰

蘇恭云濟南太山不聞出者惟虢州盧氏縣澤州陵川縣慈州呂鄉縣並有及宜州諸山亦出今出潞州以色

理鮮膩者爲勝

帝每助愷嘗以珊瑚樹賜之

本草珊瑚生海底柯枝明潤如紅玉

高二尺許愷以示石崇崇便以鐵如意碎之

鐵如意手槌也以鐵

爲之若今之骨朶子

愷怒以爲疾已之寶崇曰不足多恨今還卿

乃命左右悉取其家珊瑚樹高三四尺者六七株如愷

比者甚衆愷恍然自失

恍虎晃翻自失不得意貌

車騎司馬傳咸上

書曰

晉志曰驃騎以下及諸大將軍不開府非持節都督者置長史司馬各一人

先王之治

天下

治直之翻

食肉衣帛皆有其制

古者黎民五十而後食肉六十而後衣帛衣於

既翻

竊謂奢侈之費甚於天災古者人稠地狹而有儲蓄

由於節也今者土廣人稀而患不足由於奢也欲人崇

儉當詰其奢奢不見詰轉相高尚無有窮極矣

詰去古翻

尚書張華以文學才識名重一時論者皆謂華宜爲三

公中書監荀勗侍中馮統以伐吳之謀深疾之

統都感翻

會

帝問華誰可託後事者華對以明德至親莫如齊王由

是忤旨

忤五故翻

勗因而譖之甲午以華都督幽州諸軍事

華至鎮撫循夷夏

夏戶雅翻

譽望益振帝復欲徵之馮統侍

帝從容語及鍾會

從于容翻

統曰會之反頗由太祖

會反見七十八

卷魏元帝咸熙元年文帝廟號太祖

帝變色曰卿是何言邪統免冠謝曰

臣聞善御者必知六轡緩急之宜故孔子以仲由兼人

而退之冉求退弱而進之

事見論語

漢高祖尊寵五王而夷

滅

事並見漢高帝紀五王兩韓信彭越英布盧綰

光武抑損諸將而克終

光武不使

功臣預政事故皆保其福祿無誅譴者

非上有仁暴之殊下有愚智之異

也蓋抑揚與奪使之然耳鍾會才智有限而太祖誇獎

無極居以重勢委以大兵使會自謂筭無遺策功在不

賞遂構凶逆耳向令太祖錄其小能節以大禮抑之以

威權納之以軌則則亂心無由生矣帝曰然統稽首曰

陛下既然臣之言宜思堅冰之漸

稽音啟易坤之初六曰履霜堅冰至象曰

復霜堅冰陰始凝也馴致其道至堅冰也

勿使如會之徒復致傾覆

復扶又翻帝

曰當今豈復有如會者邪統因屏左右而言曰

屏必陞

郢翻

下謀畫之臣著大功于天下據方鎮總戎馬者皆在陞

下聖慮矣帝默然由是止不徵華三月安北將軍嚴

詢敗慕容涉歸於昌黎斬獲萬計

敗補
邁翻

魯公賈充老

病上遣皇太子省視起居

省悉
景翻

充自憂謚傳

充自知姦
回弑逆後

當加惡謚且不能逃良
史之筆誅傳柱戀翻

從子模曰是非久自見不可掩

也

從才用翻
見賢遍翻

夏四月庚午充薨世子黎民早卒無嗣妻

郭槐欲以充外孫韓謚爲世孫

韓謚充壻韓壽之子世
孫謂嫡孫承祖父之世

者郎中令韓咸中尉曹軫諫曰

晉制諸王及諸郡公國有郎中令中尉大農爲

三卿禮無異姓爲後之文今而行之是使先公受譏於後

世而懷愧於地下也槐不聽咸等上書求改立嗣事寢

不報槐遂表陳之云充遺意帝許之仍詔自非功如太

宰始封無後者皆不得以爲比及太常議謚博士秦秀

曰充悖禮溺情以亂大倫

悖蒲內翻

昔鄩養外孫莒公子爲

後春秋書莒人滅鄩

春秋襄六年莒人滅鄩公羊傳曰取後於莒也莒女有爲鄩夫人者

立其出也穀梁傳曰莒人滅鄩非滅也立異姓以湫祭祀滅亡之道也

絕父祖之血食開

朝廷之亂原案謚法昏亂紀度曰荒請謚荒公帝不從
更謚曰武 閏月丙子廣陸成侯李膺薨 齊王攸德
望日隆荀勗馮統楊珧皆惡之

惡烏路翻

統言於帝曰陛下

詔諸侯之國宜從親者始親者莫如齊王今獨留京師
可乎勗曰百僚內外皆歸心齊王陛下萬歲後太子不
得立矣陛下試詔齊王之國必舉朝以爲不可則臣言
驗矣帝以爲然冬十二月甲申詔曰古者九命作伯或
入毗朝政或出御方嶽

朝直遙翻周禮九命作伯鄭玄曰上公有功德者加命爲二伯

得征五侯九伯者也鄭司農云長諸侯爲方伯

其揆一也侍中司空齊王攸佐

命立勲劬勞王室其以爲大司馬都督青州諸軍事侍

中如故仍加崇典禮主者詳案舊制施行以汝南王亮

爲太尉錄尚書事領太子太傅光祿大夫山濤爲司徒

尚書令衛瓘爲司空征東大將軍王渾上書以爲攸至

親盛德侔於周公宜替皇朝與聞政事

與讀曰預

今出攸之

國假以都督虛號而無典戎幹方之實

典戎典兵也詩韓奕曰幹不庭

方言爲楨幹也

虧友于款篤之義懼非陛下追述先帝文明太

后待攸之宿意也

待攸事見上
卷咸寧二年

若以同姓寵之太厚則

有吳楚逆亂之謀漢之呂霍王氏皆何人也

渾之意蓋
謂齊王不

當疑三楊
不當信也

歷觀古今苟事之輕重所在無不爲害唯當

任正道而求忠良耳若以智計猜物雖親見疑至于疏

者庸可保乎愚以爲太子太保缺宜留攸居之與汝南

王亮楊琰共幹朝事三人齊位足相持正既無偏重相

傾之勢又不失親親仁覆之恩計之盡善者也

覆教
又翻於

是扶風王駿光祿大夫李熹中護軍羊琇侍中王濟甄

德皆切諫

意許記翻又音
熹甄之人翻

帝並不從濟使其妻常山公

主及德妻長廣公主俱入稽顙涕泣請帝留攸

稽音啟

帝

怒謂侍中王戎曰兄弟至親今出齊王自是朕家事而

甄德王濟連遣婦來生哭人邪乃出濟爲國子祭酒德

爲大鴻臚

自侍中出
爲外朝官

羊琇與北軍中候成粲謀見楊珧

手刃殺之

北軍中候漢官掌北軍五營魏省泰始四年
罷中軍將軍置北軍中候七年又罷中領軍

併焉珧知之辭疾不出諷有司奏琇左遷太僕琇憤怨發

病卒李惠亦以年老遜位卒於家惠在朝

朝直達

姻親

故人與之分衣共食而未嘗私以王官人以此稱之

是歲散騎常侍薛瑩卒或謂吳郡陸喜曰瑩於吳士當

爲第一乎喜曰瑩在四五之間安得爲第一夫以孫皓

無道吳國之士沈默其體潛而勿用者第一也

沈持林翻

避

尊居卑祿以代耕者第二也侃然體國執正不懼者第

三也斟酌時宜時獻微益者第四也溫恭脩慎不爲諂

首者第五也過此以往不足復數

復扶又翻

故彼上士多淪

沒而遠悔吝中士有聲位而近禍殃觀瑩之處身本末

又安得爲第一乎

遠于願翻近其
新翻處昌呂翻

四年春正月甲申以尚書右僕射魏舒爲左僕射下邳

王晃爲右僕射晃字之子也 戊午新沓康伯山濤薨

魏明帝景初三年以遼東東沓縣吏
民過海居齊郡界者立爲新沓縣

帝命太常議崇

錫齊王之物博士庾專太叔廣劉暕

勇讀曰敷太叔複
姓鄭莊公之弟段

封於京謂之京城太叔其後以
爲氏又衛有太叔儀暕他昆翻繆蔚郭頤秦秀傅珍上

表曰

繆靡幼翻又莫六
翻姓也蔚紆勿翻

昔周選建明德以左右王室周

公康叔聃季皆入爲三公

左傳衛太祝子魚曰武王之
母弟八人周公爲太宰康叔

爲司寇聘季爲司空左明股肱之任重守地之位輕也
右讀如佐右聘乃甘翻

漢諸侯王位在丞相三公上其入讚朝政者乃有兼官

其出之國亦不復假台司虛名爲隆寵也
漢諸侯王讚朝政者惟東

平王蒼耳今使齊王賢邪則不宜以母弟之親尊居魯衛之

常職不賢邪不宜大啟土宇表見東海也古禮三公無

職坐而論道不聞以方任嬰之
嬰紫也惟宣王救急朝夕

然後命名穆公征淮夷故其詩曰徐方不回王曰旋歸

見詩江漢宰相不得久在外也今天下已定六合爲家
常武篇

將數延三事與論太平之基

數色角翻

而更出之去王城二

千里違舊章矣

司馬彪郡國志齊國在洛陽東千八百里

專純之子暉毅之

子也專既具草先以呈純純不禁事過太常鄭默博士

祭酒曹志

續漢志博士祭酒一人本僕射中興轉爲祭酒胡廣曰官名祭酒皆一位之元長也

志

愴然歎曰安有如此之才如此之親不得樹本助化而

遠出海隅晉室之隆其殆矣乎乃奏議曰古之夾輔王

室同姓則周公異姓則太公皆身居朝廷五世反葬

禮記

檀弓曰太公封於營丘比及五世皆反葬于周古人曰狐死正丘首仁也

及其衰也雖有五

霸代興豈與周召之治同日而論哉

言五霸代興以尊周室不可與周召

夾輔之治同日而論也治直吏翻

自義皇以來豈一姓所能獨有當推

至公之心與天下共其利害乃能享國久長是以秦魏
欲獨擅其權而纔得沒身周漢能分其利而親疎爲用
此前事之明驗也志以爲當如博士等議帝覽之大怒
曰曹志尚不明吾心況四海乎

謂曹志本魏陳思王植之子植於魏文帝兄弟

也文帝之禁制植者爲何如今尚不能明吾之心乎

且謂博士不答所問而答所

不問

所問者崇錫齊王禮物而已不問齊王當出與不當出也

橫造異論下有司策

免鄭默

橫下孟翻
下戶嫁翻

於是尚書朱整褚碧奏志等侵官離

局

碧離灼翻
離力智翻

迷罔朝廷崇飾惡言假託無諱請收志等

付廷尉科罪詔免志官以公還第

志在魏嗣爵陳王晉
受禪降爲鄆城縣公

其餘皆付廷尉科罪庾純詣廷尉自首勇以議草見示

愚淺聽之詔免純罪

首式
又翻

廷尉劉頌奏勇等大不敬當

棄市尚書奏請報聽廷尉行刑尚書夏侯駿曰官立八

座正爲此時

六曹尚書并令僕
爲八座爲于偽翻

乃獨爲駿議

駿北
角翻

左僕

射下邳王晃亦從駿議奏留中七日乃詔曰勇是議主

應爲戮首但專家人自首宜并廣等七人皆丐其死命

丐貸也

並除名二月詔以濟南郡益齊國

濟子禮翻

已丑立齊

王攸子長樂亭侯寔爲北海王

樂音洛

命攸備物典策設

軒縣之樂

樂天子宮縣諸侯軒縣軒縣者缺其一面縣讀曰懸

六佾之舞黃鉞朝

車乘輿之副從焉

朝直遙翻乘繩證翻

三月辛丑朔日有食之

齊獻王攸憤怒發病乞守先后陵

先后謂文明皇后也

帝不許

遣御醫診視

診止忍翻候脉也

諸醫希旨皆言無疾河南尹向

雄諫曰陛下子弟雖多然有德望者少齊王臥居京邑

所益實深不可不思也帝不納雄憤恚而卒

恚於避翻

攸疾

轉篤帝猶催上道

上時掌翻

攸自強入辭素持容儀疾雖困

尚自整厲舉止如常帝益疑其無疾辭出數日歐血而

薨帝往臨喪攸子罔號踊

號戶翻

訴父病爲醫所誣詔即

誅醫以罔爲嗣

罔俱永翻

初帝愛攸甚篤爲荀勗馮統等所

構欲爲身後之慮故出之及薨帝哀慟不已馮統侍側

曰齊王名過其實天下歸之今自薨殞社稷之福也陛

下何哀之過帝收淚而止詔攸喪禮依安平獻王故事

事見七十九卷泰始八年攸舉動以禮鮮有過事雖帝亦敬憚之每

引之同處必擇言而後發

鮮息善翻處昌呂翻

夏五月己亥琅

邪武王伷薨冬十一月以尚書左僕射魏舒爲司徒

河南及荆揚等六州大水

荆強也言其氣躁強亦曰警也言南蠻數爲寇逆其

人有道後服無道先強當警備也又云取荆山以名州統江夏南郡襄陽南陽順陽義陽新城魏興上庸建平宜都南平武陵天門長沙衡陽湘東零陵邵陵桂陽武昌安成

歸命侯孫皓卒是

歲鮮卑慕容涉歸卒弟刪篡立

考異曰載記刪作耐今從燕書

將殺

涉歸子廆廆亡匿于遼東徐郁家

廆戶賄翻又五罪翻載記曰廆字弈洛瓌

杜佑曰本
名若洛廐

五年春正月己亥有青龍二見武庫井中

見賢通鑑
考異曰五行

志作癸卯
今從帝紀

帝觀之有喜色百官將賀尚書左僕射劉毅

表曰昔龍降夏庭卒爲周禍

國語曰夏之衰也褒人之
神化爲二龍以伺于夏庭

夏后卜殺之與去之與止之莫吉卜請其桀而藏之吉
乃布幣而策告之龍亡而桀在櫝而藏之及殷周莫之
發也及厲王之末發而觀之桀流于庭不可除也王使
婦人不憚而諫之化爲玄蜃以入于王府府之童妾未
笄亂而遭之既笄而孕當宣王而生不夫而有故懼而
棄之驚孤服者取之以逃于褒褒人有獄以入于幽王
王逆嬖之使爲后生伯服欲殺太子以立伯服太子奔
申申侯與犬戎伐王殺之驪山下夏戶雅翻卒子恤翻

易稱潛龍勿用陽在下也

易乾之初九爻辭

尋案舊典無賀龍

之禮帝從之

初陳羣以吏部不能審覈天下之士故

令郡國各置中正州置大中正皆取本土之人任朝廷

官德充才盛者爲之使銓次等級以爲九品

事見六十九卷魏文

帝黃初元年

有言行修著則升之

行下孟翻

道義虧缺則降之吏

部憑之以補授百官行之浸久中正或非其人姦蔽日

滋劉毅上疏曰今立中正定九品高下任意榮辱在手

操人主之威福奪天朝之權勢

操干高朝直達翻

公無考校之

負私無告訐之忌

謂銓次高下或有不當而在公不以考校失實爲罪負發人隱患無所不

至而在私不以告訐爲避忌

用心百態營求萬端廉讓之風滅爭訟

之俗成臣竊爲聖朝恥之

爲于偽翻

蓋中正之設於損政之

道有八高下逐彊弱是非隨興衰一人之身旬日異狀

上品無寒門下品無勢族一也置州都者

州都謂中正

本取

州里清議咸所歸服將以鎮異同一言議也今重其任

而輕其人使駁違之論橫於州里

駁北角翻橫戶孟翻

嫌讐之隙

結於大臣二也本立格之體爲九品者謂才德有優劣

倫輩有首尾也今乃使優劣易地首尾倒錯三也

錯千故翻

陛下賞善罰惡無不裁之以法獨置中正委以一國之

重曾無賞罰之防又禁人不得訴訟使之縱橫任意

縱子

容翻無所顧憚諸受枉者抱怨積直不獲上聞四也一國

之士多者千數或流徙異邦或取給殊方

謂衣食有不給者客於殊

方以取給也

面猶不識況盡其才而中正知與不知皆當品

狀采譽於臺府

譽音余

納毀於流言任已則有不識之蔽

聽受則有彼此之偏五也凡求人才欲以治民也

治直之翻

今當官著効者或附卑品在官無績者更獲高叙是爲

抑功實而隆空名長浮華而廢考績六也

長知兩翻

凡官不

同人事不同能今不狀其才之所宜而但第爲九品以

品取人或非才能之所長以狀取人則爲本品之所限

徒結白論

白素也釋素餐者以爲空餐白論猶空言也

而品狀相妨七也九

品所下不彰其罪所上不列其善各任愛憎以植其私

天下之人焉得不懈德行而銳人事八也

焉於虔翻懈古隘翻

由

此論之職名中正實爲姦府事名九品而有八損古今

之失莫大於此愚臣以爲宜罷中正除九品棄魏氏之

敝法更立一代之美制太尉汝南王亮司空衛瓘亦上

疏曰魏氏承喪亂之後

喪息浪翻

人士流移考詳無地故立

九品之制粗且爲一時選用之本耳

粗坐五翻

今九域同規

大化方始臣等以爲宜皆蕩除末法咸用土斷

以土著爲斷也

斷丁亂翻

自公卿以下以所居爲正無復縣客

縣讀曰懸

遠屬異

土盡除中正九品之制使舉善進才各由鄉論則華競

自息各求於已矣始平王文學江夏李重上疏

自魏以來王國

置師友文學各一人
夏戶雅翻上時掌翻以爲九品既除宜先開移徙聽相

并就則土斷之實行矣帝雖善其言而終不能改也

冬十二月庚午大赦 閏月當陽成侯杜預卒 是歲

塞外匈奴胡太阿厚帥部落二萬九千三百人來降

帥讀

曰率降帝處之塞內西河

處昌呂翻

罷寧州入益州置南

夷校尉以護之

置寧州見七十九卷秦始七年

考異

尉今從華

陽國志

六年春正月尚書左僕射劉毅致仕尋卒

考異曰晉春秋在七年

十月今
從本傳

戊辰以王渾爲尚書左僕射渾子濟爲侍中

渾主者處事不當

尚書主者也處昌
呂翻當丁浪翻

濟明法繩之

侍中
管門

下諸事故
得繩以法

濟從兄佑素與濟不協

從才
容翻

因毀濟不能容

其父帝由是疏濟後坐事免官濟性豪侈帝謂侍中和

嶠曰我將罵濟而後官之如何嶠曰濟俊爽恐不可屈

帝召濟切讓之既而曰頗知愧不

不讀
曰否

濟曰尺布斗粟

之謠常爲陛下愧之

謂帝不能容齊王
攸也爲于偽翻

他人能令親者

疎臣不能令親者親

謂諫而
不聽也

以此愧陛下耳帝默然嶠

洽之孫也

和洽見六十六卷漢獻帝建安十四年

青梁幽冀州旱 秋八

月丙戌朔日有食之 冬十二月庚子襄陽武侯王濬

卒 是歲慕容暉爲其下所殺部衆復迎涉歸子廩而

立之涉歸與宇文部素有隙

宇文部亦鮮卑種其先有大人曰普回因狩得玉璽

三紐文曰皇帝璽普回以爲天授其俗謂天子曰宇文故國號宇文併以爲氏何氏姓苑曰宇文氏出自炎帝

其後以嘗草之功鮮卑呼草爲俟汾遂號爲俟

汾氏後世通稱俟汾蓋音訛也代爲鮮卑單于

廩請討

之朝廷弗許廩怒入寇遼西殺略甚衆帝遣幽州軍討

廩戰于肥如

肥如縣屬遼西郡應邵曰肥子奔燕燕封於此賢曰肥如今平州

廩衆大

敗自是每歲犯邊又東擊扶餘扶餘王依慮自殺

慮音閭

子弟走保沃沮

沮千余翻

虜夷其國城驅萬餘人而歸

七年春正月甲寅朔日有食之魏舒稱疾固請遜位以劇陽子罷舒所爲必先行而後言遜位之際莫有知者

考異曰舒遜位紀傳皆無年月本傳曰以災異遜位帝不聽後因正旦朝罷還第表送章綬按本傳又曰遜位之際人莫知者若今年正旦日食遜位至它年正旦乃送章綬不得云人無知者蓋止因今者正旦朝罷遂以災異遜位
不復起耳
衛瓘與舒書曰每與足下共論此事日日

未果

瓘言亦欲遜位與共論此事日復一日未果如言

可謂瞻之在前忽焉在

後矣

用論語顏淵之言

夏慕容廆寇遼東故扶餘王依慮子

依羅求帥見人還復舊國請援于東夷校尉何龕

帥讀曰率

下同見賢遍翻見人謂見存之人也龕口含翻晉志曰武帝置南蠻校尉於襄陽西戎校尉於長安南夷校尉於寧州東夷校尉蓋亦帝所置治遼東

龕遣督護賈沈將兵送之

魏晉之間方鎮

各置督護領兵之官也沈持林翻

廆遣其將孫丁帥騎邀之於路

騎奇寄翻

沈力戰斬丁遂復扶餘

秋匈奴都大博及萎莎胡

各帥種落十萬餘口詣雍州降

楊正衡曰莎素和翻帥讀曰率據晉書萎莎胡

北狄種蓋亦匈奴類也杜佑曰晉史云北狄各以部落爲類其入居塞內者有屠各萎莎羌渠賀賴等種種章

勇翻雍
於用翻

九月戊寅扶風武王駿薨冬十一月壬子以

隴西王泰都督關中諸軍事泰宣帝弟廞之子也

廞渠翻

是歲鮮卑拓跋悉鹿卒

鹿一作祿

弟綽立

自泰始以來鮮卑慕容拓跋二

部日以強盛
故史著其世

八年春正月戊申朔日有食之 太廟殿陷九月改營

太廟作者六萬人 是歲匈奴都督大豆得一育鞠等

復帥衆落萬一千五百口來降

魏既分塞內匈奴爲五部矣自去年來匈奴帥

種落來降者十有餘萬口史不言所以處之之地此必自塞外來北匈奴之種落也復扶又翻

九年春正月壬申朔日有食之

比三年正旦日食帝尋晏駕晉以大亂天之示

戒蓋昭昭矣

夏六月庚子朔日有食之

郡國三十二大

旱秋八月壬子星隕如雨地震



資治通鑑卷八十一



總校官庶吉士臣侍朝

校對官檢討臣王坦修

謄錄監生臣潘承煒

謄錄監生臣梅德